

# مشروع الحكايا والتاريخ الشفوي

## ورشة المعارف

٢٠٢٠

الحكواتية: فرح قدّور

السلسلة: حكايا موسيقية

التاريخ: 07-10-2019

رقم الأرشيف: MOH-003-19

نوع الأرشيف: عام (لا حاجة لإذن خاص)

السلسلة/الموضوع الرئيسي	حكايًا موسيقية
رقم الأرشيف	19-MOH-003
نوع الأرشيف	عام (لا حاجة لإذن خاص)
الحكواتية	فرح قدّور
تاريخ ميلاد الحكواتية	1993-08-07
تاريخ ومكان المقابلة	07-10-2019 - بيروت
ملخص التاريخ الشفوي	تستجمع فرح التأثيرات الموسيقية من فترة طفولتها في عكار، خاصة خالها وأستاذها آنذاك، وكيف ابتدأت بالعزف على عمر الـ12 سنة على آلة الترق قبيل أن تتعرف على البزق بعد سنتين وتبدأ علاقتها مع هذه الآلة تتطور في تلك المرحلة، إنتقلت فرح إلى مدرسة جديدة وكانت الموسيقى طريقتها بالاندماج ويايحاد المجتمع الذي تنتمي إليه. تشارك فرح في مختلف الحفلات منذ عمر صغير، أحدها كانت مع وديع الصافي. تدخل فرح الجامعة في بيروت وتتعرف على مجتمع أكبر وألوان موسيقية أكثر تساعدها في صقل موهبتها، وتصبح تلميذة الموسيقى المصري الشهير مصطفى سعيد وترافقه كعازفة في حفلاته أيضاً، منها ما كان خارج لبنان. تؤدي فرح عروض الموسيقى الشرقية مع فرق مختلفة في مترو المدينة و أونوماتوبويا [onomatopoeia]، كما تعلم الموسيقى في "بيت الموسيقى" نفس المكان الذي تعلمت به في صغرها، وتعمل كمديرة مشاريع في منظمة العمل للأمل. تختتم فرح المقابلة بوصف أسبوع من حياتها، وبشرح ما تعنيه لها الموسيقى.
معلومات عن الباحثة	نورا بخش باحثة أنثروبولوجيا حصلت على درجة الماجستير من الجامعة الأمريكية في بيروت. بدور عملها الأكاديمي والمهني في الغالب حول القضايا الثقافية والاقتصادية والسياسية في المملكة العربية السعودية.
التفريغ	زينب الديراني
الكلمات الدلالية	7 تشرين الأول 2019، فرح أحمد قدّور، 7 آب 1993، عكار، شمال لبنان، محافظة عكار، بيروت، سنة 2011، لبنان، عائلة يسارية، بيبي [أب]، جدّي [جدّ]، موسيقى، الماما [أم]، كهربا الـSEAT، جامعة الـLIU في عكار، ثانوية حلبا الرسمية، خالي [خال]، عود، أسامة عبد الفتاح، طرابلس، كلية التربية الموسيقية في الجامعة اللبنانية، مصطفى سعيد، أحمد حويلي، تانيا صالح، مترو [مترو المدينة في شارع الحمراء]، جلسة سماح، الاسطوانات والتسجيل، آلة الرق، percussion، آلة عربية، هياف ياسين، آلة البزق، flute، حس إيقاعي، حس نغمي، pitch، مرحلة الثانوية، فيروز، موسيقى البوب [pop]، مارسيل خليفة، زياد الرحباني، أحمد كعبور، موسيقى عصر النهضة، سنة 1920، موسيقى عربية، مصطفى سعيد، مقطوعات، نوتة، إيقاع، معهد بيت الموسيقى، تنشئة موسيقية، صفوف تاريخ الموسيقى، صفوف نظريات موسيقية، صفوف آلة متخصصة، صفوف Musique D'Ensemble [موسيقى المجموعة]، حفلة تكريم لوديع الصافي، رهجة مسرح، توتر، فرن الشباك، موسيقى غربية، أغنية الحلوة دي، دكتورة جاكلين ثابت، التأويل، chords، الصنطور [الآلة الفارسية والعراقية]، إستقلالية مادية، الجامعة الأنطونية، بعيدا، musicology، سارة البو، onomatopoeia بالأشرفية، الموشحات، الطقايق، تحليل التفاعيل بتقاسيم محي الدين بعيون، thesis، سيد درويش، رامي الجندي، فرقة أصيل، مسرح

الجنينة في مصر، المورد الثقافي، القاهرة، مهرجان أبو ظبي الدولي، Barbican Center،  
دكتور نداء أبو مراد، Action for Hope، عبد قبيسي، بسمة الحسيني، البقاع، شاتيل، فواز  
باقر، artistic upervisor، program management، سوريا، الأردن، Norway، حازم  
شاهين، أمل كعوش، ساندي شمعون، حفلة فيليمون وهي، جورج الشيخ، فرقة طريق الشرق،  
إيليان عوض، فرقة زهورات، الموروث الاجتماعي والعائلي، نواشيج، المخيم، رسم، مارك  
ارغنست، بو ناصر الطفار، بلاد الشام

## **Rights of Ownership for the Storytelling and Oral History Project**

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storyteller's name, interviewed by Researcher's name, Date, The Storytelling and Oral History Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytelling and Oral History Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

### **حقوق ملكية**

### **لمشروع الحكايا والتاريخ الشفوي**

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح.

لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكايا والتاريخ الشفوي، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة فائديه، ٢٠١٧، مشروع الحكايا والتاريخ الشفوي، ورشة المعارف، بيروت، لبنان، ص. ١٢]

لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبتنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

نورا بخش: [00:00:04] طيب، انا هون، مع فرح قدور، تاريخ اليوم 7 October، 7 تشرين الثاني 2019، ونحننا بيت-  
فرح قدور: [00:00:17] \_تشرين واحد، تشرين الأول.

ن.ب.: آه تشرين الأول، بعدني I'm not used to the Lebanese

ف.ق.: [00:00:22] me too [ضحكت] ونحن كمان صرنا نقول October و November

ن.ب.: آه It's complicated

ف.ق.: [00:00:30] [تبتسم] yeah, it's complicated

ن.ب.: مم، أوكي، أول شي بدي أسنلك، فيكي تعطيني اسمك الكامل، تحكي لي أيمتي انولدت، ووين؟

ف.ق.: [00:00:43] أنا فرح أحمد قدور، انولدت بسبعة آب 1993 بعكار شمال لبنان، محافظة عكار.

ن.ب.: آه أوكي انت لبنانية، حلو، شو بتذكري عن عكار لما كنتي صغيرة؟

ف.ق.: [00:01:00] فعلياً شو بتذكرو شو بعدني بعيش، لأنو أنا بعدني بطلع وبنزل على عكار بشكل دائم. نقلت على بيروت من سبع سنين لما بلشت جامعة، حيصيروا ثمن سنين-- بس عكار هي بداية كلشي، حتى الموسيقى، وتكوين كل هالشخصية يعني.

ن.ب.: أوكي، حلو، فانت طول حياتك كنتي بعكار ليوم ما جيتي لهون من 7 سنين.

ف.ق.: [00:01:27] صح، ب 2011 نقلت ع بيروت لأنو بلشت أدرس موسيقى بالجامعة.

ن.ب.: طيب، تتذكري في شي، أه، يعني، أجواء سياسية أو إقتصادية عم تحصل وقت ما انخلقتي بعكار؟ شو كانت، شو كان وضع عكار، ب هيداك الوقت؟

ف.ق.: [00:01:47] أمم، أوكي هلق لما ولدت-- بلبنان طبعاً كل الوقت، في أحداث سياسية وإقتصادية بالطبع، عم تصير كل الوقت. أه، مم، طبعاً أول ما ولدت، يعني نحن ربينا بعبلة جوها يساري سياسي لأنو بيبي وجددي كانوا بأحزاب يسارية سابقاً، فحتى هيدا إلو أثر موسيقي لأنو كمان النمط الموسيقي اللي كان ينسمع كمان كان لفنانين هيك، فمن هون يعني ولد الأثر هيدا-

ن.ب.: فيكي تحكي لي عن أهلك، انو كيف هني، وكيف ربيتي لما كنتي صغيرة؟ كيف كانت الاجواء بالبيت؟

ف.ق.: [00:02:32] نحن عيلة متوسطة، اهمم، الماما بتعلم، وهي حدا مكافح جداً يعني حتى هي كفت جامعتا، تابعت دراستها الجامعية، بعد ما ولدنا أنا وأختي. إذا بتحسبيني عم بحكي بسرعة قوليلي ببطي لأنو أنا كثير سريعة [تضحكان] ف، الماما كانت تدرس بالجامعة و، وتعلم، وتريننا بنفس الوقت، فكان كل الوقت شوفها عم تعمل اشياء ومنا، يعني، وما عندها وقت لحالها. البابا كان طبعاً لما طلع من المعتقل، الفترة اللي قبل المعتقل وللي قبل انو يكون عندو ولاد، كان تاجر سيارات، ورثها عن بيبي، بس بعد ما طلع من المعتقل كان وضعوا الاقتصادي صفر، لأنوا طبعاً دفع كل شي لحتى هو يقدر يطلع أصلاً، ف انتقل بين كذا شغلة، هو بالأصل دارس كهرباء، أمم، مهني، وهلق، من 2012 فتح مشروع، اللي هو محل خضرا، ب--بعكار بس إلو concept ثاني عن طريقة التعاطي مع الخضرة والنضافة والى آخره، فهو محل مسكر مع قزاز مع-- فهيك مشروع يعني، عم بيحترق فيه صرلو شي 7 سنين.

ن.ب.: يعني التركيز أكثر على نظافة ال--

ف.ق.: [00:03:52] يعني، ايه، هو محل خضرا، بس طبعاً بتعرفي انت اغلب محلات الخضرة وخصوصي بعكار، بتكون الخضرا بزاً عالشارع، فهو عمل محل مسكر مع أي-سيات، مع تكيف، مع تبريد.

ن.ب.: آه، وهي كانت يعني أول محل مثل هيك؟

ف.ق.: [00:04:05] هو، ابيه، يعني واشتغل مثلاً كان بكهربا ال SEAT، كل فترة طفولتنا تقريباً، ول 2012 قرّر إنو هو تعب، فقرّر يغيّر المصلحة.

ن.ب.: وأمك شو مهنتها؟

ف.ق.: [00:04:17] الماما بتعلّم لغة عربية، عندها ماجستير بالعربي، بتعلّم بثانوية رسمية وبالجامعة فوق بال LIU بعكار.

ن.ب.: آه أوكي هني بعدن بعكار؟

ف.ق.: [00:04:27] مم.

ن.ب.: ف أمك بتدرّس اللغة العربية إنو مثلاً نحو، قواعد، وهيئ قصص؟

ف.ق.: [04:32:00] امم-- كل، كلشي، يعني ادب ولغة وقواعد--

ن.ب.: \_\_\_\_\_ بال LIU--

ف.ق.: [00:04:37] \_\_\_\_\_ ب LIU، وبثانوية حلبا الرسمية، اللي هي ضيعتي أصلاً.

ن.ب.: آه، أوكيه، حلو، لما كنتي صغيرة، كانت الموسيقى جزء من حياتك؟

ف.ق.: [00:04:49] مم-- بلّشت الموسيقى تصوير جزء من حياتي بشكل فعليّ لما كان عمري 12، بس هبي كل الفترة اللي قبل ال 12 هي كانت عم تتراكم بطريقة مّنا مباشرة، يعني من السّمع، امم، العيلة الكبيرة والصغيرة كلو بيبسمع موسيقى، في عندي خالي، اللي هو أكبر منّي بعشر سنين، بيعزف عود، وبلّش قدامي يتعلّم، قبلي بمرحلة، فأنا كنت عم شوفوا كل الوقت، وحتّى درست بنفس الجامعة اللي هو درس فيها، فكنت عم شوف هالتجربة وعم جرّب، عم توضحلي صور أكثر، فكانت الموسيقى موجودة بشكل أساسيّ بحياتنا.

ن.ب.: فيكي تحكيلي أكثر عن خالك؟

ف.ق.: [00:05:31] إسما أسامة عبدالفتاح، عازف عود ومغنيّ، أسامة كمان بلّش حياته الموسيقية على بكير، تعلّم بالمعهد العالي بال conservatoire يعني، عود --

ن.ب.: ببيروت؟

ف.ق.: [00:05:46] بطرابلس بلّش لأن هي أقرب على عكار، ورجع نفس الشي انتقل على عمر ال 18 على الجامعة اللبنانية، كلية التربية، درس موسيقى وبقي هون، وهلق هو اسم معروف كعود وك vocal coach ببيروت.

ن.ب.: مع مين اشتغل هو؟

ف.ق.: [00:06:03] أسامة اشتغل مع كثير ناس، عندهو طبعاً projects لإلو، هو بيعملن، اشتغل مع مصطفى سعيد، اشتغل projects مع أحمد حويلي، مع تانيا صالح، يعني في كذا project، اليوم عندهو ب مترو [مترو المدينة في شارع الحمرا] جلسة سماع، بيشغل كمان بالاسطوانات والتسجيل، يعني بهيدا النطاق.

ن.ب.: شو يعني جلسة سماع؟

ف.ق.: [00:06:30] في بمترو يوم event، بتعرفي انت كيف كانت الموسيقى العربية قبل، تتسجّل على الاسطوانات، فهو رح يكون عندهو كذا "serie" عم يخبرنا عن كيف بتتم طريقة التسجيل، ونسمع إشيئا، قبل كانوا يسجّلوا على كبايات شمع، وزفت بعدين، فرح يكون ال serie عن هيدا الموضوع.

ن.ب.: وانت كيف علاقتك كانت معاه؟

ف.ق.: [00:06:56] أنا-- كثير قريبة مَنو، لأنوا في فرق عشر سنين بس، فهو طفولتنا كثير متقاطعة بمراحل، وانا كنت إربي عند بيت جدّي بشكل كبير، كنت قضّي وقت كثير عندن، فموجودين بحياتي بشكل كبير جداً، وأسامة تحديداً، خالي.

ن.ب.: أوكي حلو، فيكي تحكي لي إذا عندك مثلاً أول ذكرى موسيقى كثير أثرت فيكي؟

ف.ق.: [00:07:27] لما جابولي أول بزق، ايه-- بلّشت موسيقى بصف السابع، كان عمري 12 تقريباً، فأول سنتين تقريباً كان عم يعزف على آلة الرّق، الدّف، الرّق اللي مع صنوج--

ن.ب.: اوكي، شو هي؟

ف.ق.: [00:07:50] الرّق، يلا هلق بفرجيكي صورتها، اللي هي percussion، هي-- [بتفريجها الصورة]

ن.ب.: آه اوكي، so كأنه Tambourine يعني.

ف.ق.: [00:08:03] ايه، بسّ الشرقي، مع الجلد، يعني عربيّة، الآلة العربيّة، فبلّشت أول سنتين، رجعت قرّرت، شفت صديقي كان مبلّش قبلي بمدرسة--

ن.ب.: دقيقة هلق انت درستي هاي-- شو اسمه؟--

ف.ق.: [00:08:18] الرّق

ن.ب.: الرّق، درستيتها بالمدرسة؟

ف.ق.: [00:08:20] ايه، رح خبرك كيف بلّشت كل خبريّة الموسيقى. بصف السّابع، كانت مرحلة شوي انتقاليّة بحياتي لأنو نقلت من مدرسة على مدرسة ثانية، من مدرسة بحبّا كثير كنت، بس خلصوا الصفوف فيها، ف اضطررنا ننقل على مدرسة ثانية. المدرسة الثانية الطيقة اجتماعياً أعلى، ف ما عرفت اندمج بسرعة، وال community هيك كانت غريبة ف ما فيكي تندمجي فيها بسرعة أبداً. بهالمرحلة -- بنصّ هالمرحلة -- بنصّ هالسنّة، مم-- في شخص اللي هو أستاذ ال regular الأول، أسموا هيف ياسين، واللي هو صار لاحقاً زوج خالتي، يعني كمان من العيلة وكان صديق أسامة بدرسوا بنفس الجامعة بنفس الوقت، ف هيف إجا و فتحوا بالتعاون مع المدرسة اللي أنا عم بدرس فيها، صفوف موسيقى، هي، يعني، مش بضمن الدّوام، هي صفوف إضافيّة، بال weekend يعني--

ن.ب.: \_\_\_\_\_ extracurricular ، اوكي

ف.ق.: [00:09:16] ف أنا لأنوا طبعاً حدا بعرفوا، و هيك عملنا هو مثل audition صغير ف إتّخذت فيه، وبلّشت لاقى ال community تبعي، بضمن هيدا المحيط اللي أنا ما عم يعرف أبداً إندمج فيه، فهيدا كان سبب أساسي إتّي أصريت بأول مرحلة إتو أنا بدّي كون عم بحضر بهيدا الشّي وبلّشت بالة الرّق، ال percussion، وبعد سنّة-- واستمرينا، وضلّت يعني هاي ال process ل تالت سنة تقريباً، وقررت إتو بدّي إنقل على آلة البزق، لأنو شفت كان في صديقي بنفس الصفوف اللي نحن مناخدها، بيعزف بزق و هيك لفتتلي نظري الآلة وما كنت بعرفها قبل، ولا كثير سامعة صوتها والى آخره، ف قرّرت إتو بدّي البزق. ف لما وصل أول بزق ما بنسى يعني كان عند بيت جدّي وكيف هيف جابوا على بيت جدّي، وأول درس، وكيف أخذتو وين المطرح، ف هيدا حاضر بذاكرتي.

ن.ب.: مم-- احكي لي عن هي الذكرة

ف.ق.: [00:10:11] كان فيها هيك مسؤوليّة، وفرحة بنفس الوقت، يعني في آلة عم بتطّلع نغم، وفي شي، يعني في شيء صار ملكي هلق، بلحظة، ف بلّشت: كيف بدّي ابني معوا علاقة، لوين ح تروح علاقتنا، ولوين ح تتطوّر، هل أنا مفروض طلع مَنوا شي؟ ولأ أنا بدّي جرّب؟ مم-- كان كلّ الوقت: شو التّوقعات، لوين بدّي أوصل، الى آخره، وطبعاً على قد العمر اللي كنت فيه وقتها كمان، ليه مع البزق --

ن.ب.: \_\_\_\_ كان قدّيش كان عمرك؟

ف.ق.: [00:10:44] يعني 14 تقريباً. والعلاقة تطوّرت، ومرقت بكتير مراحل كره، وبعّدت شوي، ورجعت، ل من شي خمس سنين خلص، قلت أنا أكيد هون يعني.

ن.ب.: مع البرق؟

ف.ق.: [00:10:57] ايه [ضحكوا]

ن.ب.: حلو إنو you're describing it like a relationship

ف.ق.: [00:11:03] yes [laughs]

ن.ب.: فيكي تحكي عن ال audition يلي عملتيهم، إنو شو كان عندك خبرة قبل ما عملتي ال audition وكيف كانت ال audition؟

ف.ق.: [00:11:12] اوكي، ممم اللي كُنّا نعملوا، أنا حتّى قبل صفوف موسيقى ما كنت، ما كُنّا كتير نأخذ، بالمدرسة كانوا قليل صفوف الموسيقى، وإذا أخذنا فهو على Flute، اشيا كتير basics. كان ال audition شي percussion، إيقاعيّ، بس يخبطننا عالطاوله [خبّطت إيقاع عالطاوله]، وبديّ أنا ردّ، عيد وراه، وشي vocal بسيط، فعلى أساسه، وهو لحدّ هلق أنا بطبقه مع الطّلاب إذا بديّ أعمل audition، لأن هالطريقة بتكتشفي فيها إذا في عندو حسّ إيقاعيّ، أو حسّ نغميّ. يعني ال pitch تبعوا كيف، وال، والحسن الإيقاعيّ، ف، كان هيدا ال audition عم ببصير بشكل سريع، وتم إختيار ناس على أساسه.

ن.ب.: أوكي حلو، ف ما كان لازم يكون عندك خبرة موسيقية--

ف.ق.: [00:11:55] \_\_\_\_\_، لا، أبدأ

ن.ب.: أمم-- أيمتى عرفتي إنو أنت بذكّك تعلمي موسيقى، as a career؟

ف.ق.: [00:12:05] كمان هالفكرة راحت وإجت، يعني ما انتبنت من أوّل مرّة. أوّل مرّة أتأكدت إنو، يعني، أو خطرلتي إنو بديّ أعمل موسيقى، كان بصفّ الأوّل ثانويّ، نحن بالأوّل ثانويّ، بتضلكّ عم تدرسي regular للأوّل ثانويّ، بالتّاني ثانويّ بذكّك تختاري علميّ أو أدبيّ، وبترجعي بالتّالث ثانويّ بتختاري فروع أكثر وبعدين بتروحي عالجامعة، فالعالم ببلشوا يختاروا حسب شو بدّن يعملوا بالجامعة، بكون مقرّرين، ف بالأوّل ثانويّ أنا كنت بلشت إندمج أكثر مع البيزق، كان صرلي سنة ونصف وقّلت بسرعة، والى آخره، ف قلت لا يمكن أنا بديّ أعمل موسيقى، فعلى هالأساس قررت أعمل أدبيّ [في صفّ الثاني ثانويّ]، لأنّو العلمي هو بدّو جهد أكثر ودرس أكثر وإلى آخره، ف قلت لا ما بديّ، مع إنو كنت بقّلع بالاثنين، يعني علاماتي كانوا تمام، مش super عاليين بس 14 مثلاً، ممم-- فهيدا بالأوّل ثانويّ. رجعت عالباكالوريا، بلشت نفوت-- بلشت أنطوّر أنا موسيقيّاً، ونقلنا من المدرسة الكبيرة، على معهد صغير أسسوا نفس الأستاذ، بس صار مستقل، معهد مستقل، فانا نقلت معو، وصرت عم بتطوّر، صرت بفرقة الكبيرة، مش بفرقة الطّلاب، فكانت هيك نقلة نوعيّة على ال 17/16.

ن.ب.: بس كملتي--؟

ف.ق.: [00:13:25] دراسة، يعني كانت دراسة weekend كلّ الوقت دروس موسيقى، ف-- لمّا حسّيت حالي إنو أنا قادرة كون بفرقة أكبر، والسنة اللي بعدها سجّلت album معو، يعني قبل ال 18، ف-- بلشت قول إنو آه، هاي مش بس فينا نتسلّي فيها، هي فيها تطلّعانا مصري، وهاي فيها تخليني كون عم يشتغل، بس وجّه تركيزي نحوها، وفعليّاً بالتّالث ثانويّ، كنت ضايعة بين بعمل ترجمة، بعمل إعلام، بعمل موسيقى، قبل ما أعمل إمتحان النّهائي كنت مقرّرة إنو أكيد موسيقى.

ن.ب.: بدي أسألك، شو كان دور أهلك بهذا الموضوع، إنو هل أيديوكي، هل كان عندهن توقّعات إنو بدهن انتي تعملي شي غير عن الموسيقى مثلاً؟ أو كانوا دايماً أيديوكي بهذا الاتجاه؟

ف.ق.: [00:14:31] أمم-- ولا مرّة كان عندن أيا رأي بيفرض، يعني هيدا system مش بس بهيدا الموضوع، بكلّ المواضيع تقريباً، إنو نحنا النقاش دائماً مفتوح، فلما كان إختيار الموسيقى طبعاً كانوا عم يدعموا، خصوصي إنو شافوا إنو في موهبة هبي عم تتطوّر بشي مرحلة، يعني ممكن توصل لشي، وطبعاً كانوا عم بيقولولي فكري بالموضوع، وشوفي هيدا وشوفي هيدا، وإلى آخره،



إتو ما تتأثري برأي حدا دغري، أو، بعني فكري أكثر، قولبي الأشياء أكثر، بس لما كنت عم باخد ال decision كانوا داعمين لأبعد الحدود، وبعدن لليوم بعني بآيا، بآيا قرار.

ن.ب.: أوكي، امم، شو كنتي تسمعي بس كنتي صغيرة؟

ف.ق.: [00:15:00] كمان إتو هول مرقوا كذا phase بحياتي بالسّمع، هلق نحنا و صغار [سعلة خفيفة]، مثل آيا طفل لبناني، فيروز بتكون مسيطرة عالوضع [تبتسم] امم، كان لا يخلو الموضوع من ال pop، لكن ال pop كان أهلي دايماً عندن هيك شوية، بعني يجربو يسيطرو عليه، طبعاً من الميول اليسارية كان مارسيل خليفة موجود بحياتنا بشكل قوي، زياد الرّحباني، أحمد كعبور، [تضحك] ف-- كانوا موجودين جداً بالإضافة لفيروز، و نتورات كانوا أم كلثوم، عبد الوهّاب، بس بعني mainly كُنّا نسمع هيك أشياء، لحدّ عمر المراهقة اللي هو بلّشت كمان فيه بالموسيقى، مرقت بال phase تبع-- وأنا طبعاً كنت أدرس موسيقى عصر النهضة، اللي هي الموسيقى العربية الفصحى القديمة، امم، التسجيلات ما قبل ال 1920-- ف بهيديك المرحلة كنت بدّي ركّز بالي عم بتعلّموا، فنحن في عتّا مبدأ كتير أساسي لتعلّم هي الموسيقى أسماو المسارّة، تبع انت بدك لتقدري تنتجي هيدا الشئ، بدك تسمعي كم مهول وتحفظي كتير أشياء، وتحفظي أشياء بعني بدك تسمعيها كتير، فكان في سنين، اللي هني سننين ثلاثة أنا بس كنت عم بسمع موسيقى عربية كلّ الوقت، كلّ الوقت.

ن.ب.: وهي كانت فترة الثاني؟ --

ف.ق.: [00:16:21] تقريباً

ن.ب.: لما كنتي--

ف.ق.: [00:16:35] صح، 16، 17، [مع] هيّاف ياسين، ف، بهالفترة أنا بعدت كلياً، بعني pop انقطعت، وكان قرار أنا أخذتو، بعني مش كتير تلقائي كان، كان طبعاً بتوجيه من الأستاذ، وكان بانو أنا بدّي أعمل هيك، بفترتها كان صح، كان غلط [لا أعرف]، بسّ المنيح-- اللي بعرفو إتو أثره، كان منيح عليي أكيد، بعني خلّاني أعرف راكّم كتير أشياء، حفظتها، أثرت، لهلاً بعدا بتلّغف بالعزف.

ن.ب.: أوكي، وهلق بعدك عم تعزفي بنفس هول ال genres؟

ف.ق.: [00:17:01] هلق، هاي phase روعة، لأن مرقت بمرحلة كنت بعزف بس هاي، هيدا النوع من الموسيقى، امم، رجعت على-- طبعاً فتت عالجامعة، ومرحلة الجامعة هي مرحلة أخرى، لأنو أنا بطّلت بس ب، ب، مع هيّاف ياسين اللي هو بس عم بعلمني هيدا النوع من الموسيقى، نزلت عالجامعة صرت عم شوف موسيقيين، أساتذة موسيقى، أصدقائي بالصّف، وتنوّع تنوّع كبير، صار شوية رفض بالأوّل، بعني ما دغري أبدأ انسجمت وقلت أنا بدّي جرّب، كتير كنت خجولة بالتّجربة أوّل شي، لحدّ تالت سنة جامعة تقريباً امم، حكاني مصطفى سعيد اللي هو موسيقيّ مصريّ معروف جداً، عازف عود، امم--

ن.ب.: من وين بتعرفيه؟

ف.ق.: [00:17:51] مصطفى بيحرفني كان من أنا وصغيرة نتيجة العلاقات الشخصية مع أسامة ومع هيّاف، بعني background عائلي، وما كان بيحرف إتو أنا بعزف، بعني مرقت فترة gap طويلة أنا ومصطفى ما شافني أبدأ، فما عرف آتي تطوّرت موسيقيّاً، فهو بس حكاني وقلّي "بدّي حدا بيلعب عود بأصيل" بفرقتة، وأنا ما كنت بلعب عود، أنا كنت بلعب بزق، فقلّي أنا بعلمك. فهاي تحديّ تالت فتنا فيه تبع إتو هلق عم بتعلّم عود. ولأنو العود قريبة من البزق فكانت سهلة عليي، بعني أسهل من آتي بلّش آلة من الصّف، ف-- هون إجت مرحلة إتو أنا كمان عم بعزف عود ومع مصطفى ب"أصيل"، وهو موسيقيّ عربيّة وهو موسيقيّ من تاليف مصطفى كمان، بعني عربيّة معاصرة شوي. ممم، لحدّ ما بلّشت ب"Metro" هال phases الموسيقيّة مع "Metro" بلّشت ب2016 أوّل حفلة بعني Metro-production، وصرنا نشوف كذا نوع موسيقي، ومع كذا فرقة، مع كتير ألوان، بس طبعاً في ألوان بتضل مفضّلة، في ألوان موسيقيّة أحيان بتضطرّي تلعبها لأنو شغل، بس إذا بدّي أجي أنا للجنر الموسيقي اللي أنا بحبوا، فهو حتماً الموسيقيّ العربيّة الفصحى.

ن.ب.: بدّي أرجع شوي عالدرس مع هيّاف، فيكي تحكيلي كيف كانت الدروس منظّمة؟

**ف.ق.:** [00:19:18] أوكي، بمرحلة اللي كان عم يعطينا فيها بالمدرسة، يعني قبل المعهد المستقل تبعوا، اللي هو اسموا بيت الموسيقى، كانوا صفوف جماعية، منحفظ فيها مقطوعات، نوتة، منتعلم فيها إيقاع، لحتى نقدر بس كان يراكملنا المعلومات، من دون تركيز تام على الـ technique الألي. رجعنا لما انتقلنا على بيت الموسيقى صار أكثر ممنهج، صار في صفوف توعية-- تنشئة موسيقية، اللي هو Formation، يعني كيف قواعد، بس قواعد موسيقى، صفوف تاريخ، صفوف نظريات، صفوف آلة متخصصة، صفوف منقلها Musique D'Ensemble اللي هي موسيقى المجموعة، اللي هي أساس الموسيقى العربية، كذا نقعد، كذا آلة، ونعزف موسيقى المجموعة، فهي اللي كتير طورت من الأداء الموسيقي.

(صمت لبضع ثوان)

**ن.ب.:** كان بدّي أسألك--، أول أداء قديمته قدام الناس، بتذكّريه؟

**ف.ق.:** [00:20:27] [صمت لبضع ثوان] هلّق أول أول، بتذكّر الأوائل. أول حفلة كبيرة أياه أكيد بتذكّر ها كانت، كان تكريم لوديع الصافي، بعكار، عزفت فيه رق، كان وديع الصافي موجود كمان.

**ن.ب.:** قديش كان عمرك؟

**ف.ق.:** [00:20:48] امم، 13. يعني كان بعد بس سنة مّا بلّشت أتعلّم، كان سنة 2006، تقريباً، فكان، كان أول حفلة وفي جمهور ضخم، طبعاً مع بيت الموسيقى ومع المعهد كان في كتير حفلات، لهيك أوائل الحفلات ضايعينن بذاكرتي شوي، أيمتي بلّشوا، بس هاي كانت مثلاً من الحفلات الي كان في رهجة مسرح أول مرّة بشعر فيها كان عدد هائل من العالم موجود.

**ن.ب.:** كيف حسيتي هيداك اليوم؟

**ف.ق.:** [00:21:25] بإنجاز، لأنو كان وديع الصافي، وكان كتير مبسوط، وطلع غنا معنا عالمسرح، ونحن بالنسبة إنا كطالاب خلصنا الحفلة من دون أخطاء، [تضحك]، فكان بالنسبة إنا إتو تمام، إتو أنجزنا اليوم [تضحك]

**ن.ب.:** كنتي متوترة؟

**ف.ق.:** [00:21:43] أوف، طبعاً. مستحيل! أنا لهلق بس أطلع حفلة، أي حفلة، مستحيل تخلى من التوتّر، وبأمن فيه، يعني الحفلة اللي يكون فيها توتّر أقل، بقول "tsk"، هلق مش حتطلع مضبوط"، يعني لازم يكون في توتّر.

**ن.ب.:** أوكي، رح نرجع لهيدا بعدين--

**ف.ق.:** [00:21:58] [تضحك]

**ن.ب.:** أوكي، هلق بدّي أسألك عن أيامك بالجامعة، كيف أجيتي ع بيروت، شو البرنامج اللي قديمته عليه، والجامعة، كيف كانت -

**ف.ق.:** [00:22:11] أوكي! الجامعة، قديمته على كلية التربية، فرع التربية الموسيقية، اللي هو بفرن الشباك، اللي هو تابع للجامعة اللبنانية، قديمته كان في concours يعني إمتحان دخول--

**ن.ب.:** \_\_\_\_\_ تربية يعني education؟

**ف.ق.:** [00:22:28] Education, Music Education، اللي هو بتطليعي انت معك إجازة تعليم موسيقي بالمدرسة يعني. فقديمت إمتحان الدخول، نجحت، وفتت على أول سنة طبعاً لأنو أنا كنت أخدة قبل بمرحلة تنشئة موسيقية بالمعهد، يعني قبل ما أنا فوت بالجامعة، ف فتت عندي كمّ من المعلومات بالموسيقى الشرقية كتير كبير، وكم من المعلومات بالموسيقى الغربية صفر، بالجامعة هني قد بعضن [بالأهمية]، ف فتت كتير قوية بمرحلة، بمحلّ، و بمحلّ ثاني كان بدّي هالقوة، استعملها، يعني، وخصوصي إتو طريقة التعلّم بالغربي مختلفة كلياً، يعني أنا بالموسيقى الشرقية، بالموسيقى العربية، منعتمد عال حفظ، مش على قرابة النوتة، بالغربي، العكس، فأنا كان بدّي كتير طور الـ skills ب أنا كيف أفرا نوتة بسرعة، فهيدا كان تحدي، عملي كابة أول فترة، إتو "أنا فرح! وكذا وهيك، نزلت وما عم بعرف أعمل صفوف غربي"، ف كان كارثة، بالنسبة إلي، كان كارثة [ضحكت]. ف، شدّيت ع

حالي أول شهرين كثير، ورجعت قلعت بالتنين، فكان هيدك المرحلة هي أنا بس عم ركز عالموسيقى، يعني، الدرس هو الموسيقى فكان هيدا أحلى شي.

ن.ب.: بس قديمي عالجامعة و عطوكي إمتحان، كيف كان الامتحان؟

ف.ق.: [00:23:49] كان في امتحانات لغة، وفي إمتحان بتفوتي على لجنة، اللي هني أغلبهن دكاترة الجامعة، أنا كنت فتت معي البزق وبتذكر غنيت طلعت يا مح--، لآ، الحلوة دي.

ن.ب.: وانت كمان بتغني صح؟

ف.ق.: [00:24:07] يعني، مش بغني-- بوقتها غنيت بس لحتي يعرفوا إني عندي الpitch مطبوظة، بس أنا، أبدأ، هيدا شوي صراع، لأنو كل أصحابي [بقولولي] "فرح ليه ما بتغني؟" والي آخره، أنا بلاقي إني نحنا مكتفيين بالأصوات [تبتسم]، نحن عنّا أصوات بتكفي، نحن عنّا عزافات أقل، وعازفين أقل [تبتسم]. فخلص-- يمكن أعمل هيدا الشي بمرحلة، جاية، بس هلق حاسة إني مركزة أكثر العزف، يعني عبالي إني ركز أكثر على العزف.

ن.ب.: بتحبّي تغني؟

ف.ق.: [00:24:39] أنا بحبّ غني، يعني، بس-- ما عندي خامة صوت عندها مهارات هالقد، بس، لأنني درست موسيقى فأنا بعرف غني صح، شوي، ومن ورا التجربة مع مصطفى سعيد، اللي هو مغني كثير شاطر، كمان اكتسبت كثير مئو، وأسامة كمان اكتسبت كثير مئو، بس، يعني أحياناً مغني بJam، مغني بgigs صغار، بغني بقعدة، بس ما بحسن إني أنا بروح بحضور حالي بحفلة لأنني عم غني.

ن.ب.: أوكي، فهمت عليك، طيب لنرجع لأيامك بالجامعة، كان أول مرة بتتعلمي كيف تعزفي غربي، وواجتي هيدول الصعوبات، وأكيد إني you met a lot of people that do a lot of different styles of music، ف احكيلي أكثر عن هاي التجربة.

ف.ق.: [00:25:35] هونيك بلشو، هيك يفتحو المدارك على -- "آه مش بس في الموسيقى اللي أنا بعرفها وبعزفها، في هيدا النوع، فيني أعمل هيك، فيها هاي الآلة تعمل هيك" ف، فأخذ وقت، يعني أنا لبلشت، اممم، مثلاً إقبل أعزف غير إشي، كان لتاني سنة جامعة، تخايلي قديش أخذ وقت، لأنو كان كمان تراكم المعلومات السابق مش بأصح طريقة، ف شوي كنت مسكرة على حالي. بعد تاني سنة، صرت عندي هيك شوي الثقة إني أنا أعمل gig مع رفقاتي، أعزف معن، لو غير نوع موسيقي، وكان هيايف نفسو دكتور بالجامعة، فكان كمان هيك إني، هو استاذي، بس هلق أنا شو عم بعمل؟ غير-- كان في هالمخاوف كل الوقت، بس-- بس بعدين بتكتسفي، لما اكتشفت غير أنواع موسيقية، لقيت حالي-- إني أنا صح، أنا هون بدّي، يعني أنا محل ما بدّي بالموسيقى العربية وبتفر عاتنا اللي لما وصلنا لحفلات الMetro، بس mainly أنا هون، وأكدولي إني أنا هون.

ن.ب.: So، حكيتي إني واجهتي صعوبات خصوصاً بالسight-reading، والsolfège وهيك قصص، فكيف تحديتي، كيف تجاوزتي هالمرحلة، مرحلة الصعوبات؟

ف.ق.: [00:27:00] كان بس درس، يعني كان بدّي أعمل جهد بالبيت، طبعاً كان في دكتور إسمها جاكلين ثابت، أنا لهلق بقلها أنا قويت بالشرقي قد الغربي بسببها، لأنو كانت تصرّ على إني نحن لو انت بتعزفي شرقي بس لازم تعرفي الثاني، فأنا قويت بالسolfège من وراها بالتنين، بالشرقي والغربي، فهو كان أول سنة هي كانت بس درس، عنجد، يعني كنت إبدل جهد لحتي إقدر إلق رفقاتي اللي كانوا قبل عاملين conservatoire أو إلى آخره، لإقدر لحقهن، لأنو بمحل أنا كثير عندي محلّ منيح بالشرقي يعني حرام إني ضيعوا، إذا ما عملت جهد.

ن.ب.: ولهلّق بتستعملي هول المعلومات؟ حتّى هلق يعني معظم الوقت بتعزفي شرقي صح؟ بس بتضلك تستعملي هول المعلومات.

ف.ق.: [00:27:47] أكيد، يعني أنت بتعزفي، معلومات الجامعة، قليل كثير منها اللي بنستعملوا بس نروح عالشغل، بتخلق معلومات جديدة بالشغل، وبكثير إختصاصات بتكون يعني ما خصها [ضحكت]، اللي بناخذو بالجامعة، بالشغل، بس أكيد أكيد إني بقدر إستفيد منن بspots معينين، بيطلع شي، فباخذ معلومة-- بيرجع الbackup كلو بيطلع بمراحل.

ن.ب.: مثلاً شو؟

ف.ق.: [00:28:13] يعني لما يكون مثلاً عنّا غنيّة، عم نوزّع، فأنا بستعمل شويّة معلومات خصّها بالchords، أو معلومات خصّها بالألات وهيكل--

ن.ب.: \_\_\_\_\_ بالموسيقى العربيّة ما في chords صح؟

ف.ق.: [00:28:25] لأ، بالموسيقى العربيّة لأ

ن.ب.: أو كيه، الموسيقى العربيّة بتركز على شو أكثر؟ الايقاع؟--

ف.ق.: [00:28:31] أو كيه، هات لفسرلك ياهن بالشكل، الموسيقى العربيّة، الموسيقى الغربيّة بتمشي بشكل عامودي، لهيك فأنا عندي layers من الألحان، فهنيّ بيعملو chord. بالموسيقى العربيّة منمشي بشكل أفقيّ، فأنا عندي لحن واحد، بس الألات عم تعزف بشكل شوي مختلف عن بعضها، فهيدا منقلو "التأويل"، يعني كل جملة، مثلاً: "تتارار ارار اا، تاتارار ارار اا" يعني كلّ آلة بتحط touch معيّنة منها، فأنا بيطلع عندي لحن، بس مزخرف، كلّ الوقت.

ن.ب.: حلو، وأيمتا بلّشتي بالعود؟ لما كنتي بالجامعة؟

ف.ق.: [00:29:07] امم-- لما كنت تالت سنة جامعة، 2013

ن.ب.: وعرفتني لمصطفى بهيداك الوقت، أو you got back in touch with him--

ف.ق.: [00:29:17] صح

ن.ب.: ايه، إحكيلي عن هيّ التجربة، إنو كيف علاقتك معو وصلتك لمترو، وكلّ هالأشيا

ف.ق.: [00:29:24] هلّو، فعلياً، مصطفى مختلف عن-- عن مترو، مش نفس الطرق اللي وصلنا ببعض، مصطفى كان مرحلة إنتقالية بحياتي الموسيقية، لأنو حدا technically كثير قويّ عالعود، وطبعاً عاليزق، لأنو هنيّ same technique تقريباً، ممم، هياف ياسين بدّي أذكر بس إنو هو عازف صنطور--

ن.ب.: \_\_\_\_ شو الصنطور؟

ف.ق.: [00:29:51] الصنطور الآلة الفارسية والعراقية اللي بتتعزف، يعني هيكل مثل trapeze بتتلعب بالمضارب، بس هو كان أكيد يعمل معو جهد، يعمل معنا كبير ليعلمنا على غير آلات، بس لما رححت عند مصطفى صار في focus كثير كبير عال technique، على طريقة، أو الجمل، على طريقة مختلفة بالحفظ، وأنا بالفرقة وتلميذته بنفس الوقت، يعني كنت روح بروفات الفرقة، وروح أحضر صفوف معو كطالبة، فكان يعطيني قصص للحفظ وللتمرين ودروس، ونعيد، وهو حدا قاسي بالتعليم، ف"فرمني" كم سنة يعني، وكانوا كثير مناح، يعني هنيّ اللي عملولي نقلة نوعية باليزق و بريشني.

ن.ب.: وأكيد كنتي كثير مشغولة أيام الجامعة، بس إنو كنت primarily [تعلمي] هيدا الشئ كمان؟

ف.ق.: [00:30:39] أيه، كنت وقتها بالجامعة، ولما بطلع weekend على عكار بعلم ببيت الموسيقى، لأنو كنت صرت علم ببيت الموسيقى، المعهد اللي أنا تعلّمت فيه قبل، وكنت بخلال الأسبوع بعمل حفلات و بطلع دروس مع مصطفى.

ن.ب.: هيدا المعهد بيت الموسيقى هو اللي تبع هياف؟

ف.ق.: [00:30:58] صح

ن.ب.: أو كيه، فأنت كنت عم تشتغلي بنفس الوقت، لتدعمي حالك مادياً؟

ف.ق.: [00:31:05] لأنو يعني هو بلّش صراحة مش لدعم مادّي، يعني ما كان في حاجة ملحة مادية، قد ما إنو فرح صار فيها تجي تعلم، فكان هيكل push معنوي، من هياف طبعاً، وحتى بلّشت فيه، أول سنة جامعة، يعني كنت كثير كثير بعدي صغيرة، 18 سنة، فبلّشت، وبعدين صار يتراكم شوي، فصار يعمل بدل مادّي منيح، فتعودت، وطبعاً أنا كنت قبلها بطلع مصاري من الحفلات، فتعودت

طَلع مصاري من أنا وعمري 15-16، فهِيدا كان هيك أسسلي شويّة ثقة، هيك، إستقلاليّة إذا بَدك، زيادة، ماديّة، و كبرت يعني مع الوقت، لأنو صرت كتر ساعات ببيت الموسيقى، ورجعت حفلات أكثر هون ببيروت، وإلى آخره

ن.ب.: شو كانت وظيفتك بعد ما اتخرّجت من الجامعة، أول وظيفة إلك؟

ف.ق.: [00:32:58] شو كانت؟ اوكي، مرقت كمان بكذا مرحلة بهول، يعني ضلّيت علم ببيت الموسيقى لسنة 2014 تقريباً--

ن.ب.: بالweekend؟

ف.ق.: [00:32:12] امم، بس مكثف كثير، يعني 6 ساعات، 7 ساعات باليوم

ن.ب.: كم طالب كان عندك؟

ف.ق.: [00:32:17] كذا صفّ، صفوف أعطيهم تنشئة، صفوف أعطيهم توعية موسيقية Musicale كان في كذا صف. هيدا لحد ما اتخرّجت من الlicense، اتخرّجت ورجعت انتقلت على جامعة --

ن.ب.: [unclear] \_\_\_\_\_

ف.ق.: [00:32:30] ال bachelor، خلّصت وانتقلت على الجامعة الأنطونية، لأعمل Master's، وعملت الIM، الجامعة الأنطونية ببعدا--

ن.ب.: بس بشو؟

ف.ق.: [00:32:42] بالموسيقى، بس بطلّ Education، صار Musicology

ن.ب.: اللي هو شو؟

ف.ق.: [00:32:47] العلوم الموسيقى، يعني هو أكثر مش تربية، هو أكثر علم موسيقى، فيها المرحلة ما كنت عم بشتغل، يعني بمرحلة الIM، كنت تركت بيت الموسيقى صار في كثير ضغط عندي ببيروت ودرس وIM--

ن.ب.: \_\_\_\_\_ وكانت وين ببعدا؟

ف.ق.: [00:33:04] ببعدا-- أياه

ن.ب.: قريبة من بيروت

ف.ق.: [00:33:07] كنت عايشة ببيروت، وكان تماماً أهلي متكفلين بمصاريف الدراسة، مصاريفي ببيروت وإلى آخره، هلكتن. فكانت سنة صعبة وضغط وهددي الIM

ن.ب.: IM هي سنة؟

ف.ق.: [00:33:22] اللي هي ال Master 1، يعني نحنا عنّا 2M، لتأخدي الماستر، وتكتبي الThesis، هي ال2M

ن.ب.: آه أوكيه، كتبتبها 2M، الThesis؟

ف.ق.: [00:33:33] ما زلت، من وقت ما بلّشت إشتغل ما عم بقدر خلّص [مبتسمة]

ن.ب.: آه، أوكي، بس هلق عندك Master's يعني كملتي الIM

**ف.ق.:** [00:33:39] أياه، ممم، بعد ما كملت، طبعاً بلّشنا بال2M، بس بال2M صار في ظروف هيك خريطة كثير، طبعاً قد ما تعبت بال1M قررت إني أخذ ال2M على سنتين، ف قلت خلص بدّي أقعد شوي ريح وإلى آخره، وكون بعكّار أكثر، هيك مرقت فترة اشتقت لأهلي كثير فأبّو بدّي أطلع شوي لفوق، بهالسنة، اتوقّفت عمّتي، فكان أول حالة وفاة بحياتي، عملتني shock كثير كبيرة، فهيك انخصّيت. بعدها بشهر، وقعت، كسرت إجرى وإيدي، فقعدت فترة بالبيت، فكانت سنة غريبة--

**ن.ب.:** أي سنة هاي؟

**ف.ق.:** [00:34:19] 2016، أوائل ال--، نصّها، بأولها، لل2016، بس ب، في phase مهمة هون، ما خبّرتك عنّا، قيل، يعني أول ال2016، اللي هو، مرحلة الجامعة الأنطونيّة، وال1M والنص الأول لل2M، تعرّفت على صبيّة إسمها سارة البوّ، فلسطينيّة أردنيّة عايشة بلبنان، بتغنّي، وكانت طالبة بالجامعة الأنطونيّة، وتلميذة مصطفى، فتعرّفت عليها من هالCommunity يعني

**ن.ب.:** بتغنّي؟

**ف.ق.:** [00:34:47] بتغنّي موسيقة عربيّة، أيه

**ن.ب.:** ما بتعزف شي؟

**ف.ق.:** [00:34:49] لأ، كانت بتعزف شوي عود، فأنا وسارة قررنا إتبّو نبّلش نعمل إشي، وفعلياً أول أول حفلة كنت بعملها أنا ببيروت كنت بس أنا وسارة ب onomatopoeia، ب-- بالأشرفيّة

**ن.ب.:** هون

**ف.ق.:** [00:35:02] إيه هون، فهاي كمان مرحلة كثير مهمّة، مرحلة إتبّو فرح هي عم تعمل program حفلة، هي وسارة، بغضّ النظر إذا بفرقة مصطفى، ولّا بفرقة هيفاف، عملنا نحنا ال own band وصرنا نحنا عم نعمل إشي، وعملناها كذا مرّة، كذا مرّة الحفلة، كذا program، ورجعت انزادت صديقتنا لما قاسم ايقاع، فصرنا Trio فهيك ضلّينا شي سنتين عم نعمل هيك.

**ن.ب.:** كان عندك إسم للBand؟

**ف.ق.:** [00:35:31] لأ كنا نسمّي الحفلات

**ن.ب.:** شو كنتو تسمّوها؟

**ف.ق.:** [00:35:34] كنا نسمّيهن إشي من أسماء الموشّحات أو الطقاطيق، مثلاً كان في حفلة إسمها طقاطيق، حفلة كان اسمها-- شي من الموشّحات، نسيت أيا موشّح، في متنّ poster، معلق ب onomatopoeia عفكرة، طقاطيق، كثير حلو إذا بتشوفيه، كثير حلو الposter، جو مشتغلو، فهي كانت مرحلة. كنا عم نقول عالشغل، فرجعت ل2016، بهالمرحلة كنت خلص، بعد ما وقعت و هيك قعدت بالبيت فترة طويلة، طبعاً ما خلّصت ال2M، كنت عم بأخذ المواد، خلّصت المواد كليّاتن، ال courses، ضلّ عليّ إني عم بكتب ال thesis، وعم بكتب ال thesis عن أنا، الماجيستير تبّعي عن عازف بزق لبناني، إسمو محي الدين بعيون بأوائل القرن العشرين، 1930 اتوقّى يعني، فمرتبط كثير بالبزق، وأثر كثير كمان عتفكيري وعلى عزفي كمان بالبزق، طريقة البحث عنّو وسماع تقاسيمه، وإلى آخره

**ن.ب.:** إتبّو كان بدك تكتبي زي Biography عنّو؟

**ف.ق.:** [00:36:34] مش Biography هو، هو Biography طبعاً هو جزء من ال Thesis، وتحليل موسيقيّ لتقاسيمه، تحليل التفاعيل بتقاسيم محي الدين بعيون

**ن.ب.:** ولهلّق ما خلّصتها؟

**ف.ق.:** [00:36:44] بعد

**ن.ب.:** بلّشنتي فيها؟

ف.ق.: [00:37:46] أيه طبعاً، قاطعة شوط منيح بس بعد ما خلصنا

ن.ب.: قديش خلصتي منها؟

ف.ق.: [00:36:50] يعني 60%

ن.ب.: أوكي، حلو، طب خلينا نرجع شوي ع onomatopoeia لأنو that's interesting، احكي لي إنو كيف كانت الأجواء ب onomatopoeia كيف الجمهور استقبلوكم، شو كانت ردة فعلهم، كيف حسيتي؟

ف.ق.: [00:37:05] كتير يعني هيك بترحيب شديد، خصوصي إنو بنتين كنا عم نعمل ال-- مع إنو أنا أبدأ أبدأ ما بحب أطرح حالي "بنت عم بعزف"، بالعكس بحب برهن عكسا لهالفكرة، إنو إذا بدّي شدد إنو أنا بنت عم بعزف يعني أنا مع إنو "أه بنت" و "غريب"، لأ مش غريب، عادي، تمرّنت، وعزفت، [تضحك] وهاي هياي، That's it، فمستغلّ شوي كيف العالم بتحب هيك لأنو بنت ومنصير نبنيلن إنو لا يا جماعة نحنا نمعمل موسيقى و whatever شو كان الجندر يعني. اممم، فكان لذيد، كنا عم نشغل موسيقى من قلبنا، يعني كنا عنجد عم نعمل عروض حلوين، اممم، كان وقتها الموسيقى الشرقيّة ب onomatopoeia أول ما ميلشة يكون في بنات عم تلعب أصلاً موسيقى شرقيّة، فنحننا جينالين هيك ب program كتير تقيل يعني، موشحات وكان في شويّة أدوار، وطقاطيق، سيد درويش، وإلى آخره، هيك. من أول حفلة وكانت كتير ناجحة، طبعاً حضروها نص رفاقنا، وكان في جمهور onomatopoeia اللي بيمرق هيك par hazard يعني، فبنينا عليها تاني حفلة، وصار عكلّ حفلة، وكل جمهور عم يكبر، عم نبنينا يعني، تالت حفلة، ونفسها رحنا عملنا لما كبرت شوي Band ال بمترو

ن.ب.: لما صرتو ثلاثة؟

ف.ق.: [00:38:22] أيه، مع سارة، عملنا حفلة بمترو

ن.ب.: وهي كانت أول مرّة بتعملي حفلة بمترو؟

ف.ق.: [00:38:27] ممم، ما بظن كنت بنفس المرحلة اللي أنا أصلاً حكوني مترو عالعرض فيها، فهيك مش مع بعضن شوي، ب2016

ن.ب.: وبعدين بتعزفو مع بعض؟

ف.ق.: [00:38:39] هلّق تغيرت تركيبة الفريق و الفرقة، امم، في موسيقى سوريّ، اللي هو صار زوجها لسارة، موسيقي، عازف إيقاع كتير شاطر، فعمل هو فرقة إسمها طريق الشرق، بتعزف بشكل أساسي مقطوعات، ومقطوعات التراث السوريّ، فهلّق نحنا بالband، بس مش أبدأ نفس concept هيداك الband، هيداك للأسف يعني نتيجة كلّ حدا فينا صار ب ديره، بإهتمام، ف، فرط شوي

ن.ب.: طب خلينا نرجع شوي عمصطفى وشغلك معاه، كنتي عم تدرسي معاه وكنتي بالفرقة معاه، وهو كمان حكيتلي إنو نظملك أول حفلة بمترو؟

ف.ق.: [00:39:30] لأ، لأ مصطفى ما --

ن.ب.: \_\_\_\_\_ خصّو بمترو؟

ف.ق.: [00:39:34] لأ أبدأ

ن.ب.: شو حفلات عملتي معاه؟

ف.ق.: [00:39:36] مع مصطفى؟ مع مصطفى أول مرّة سافرت [تبتسم]

ن.ب.: وين رحتي؟

**ف.ق.:** [00:39:41] مع مصطفى برمنا كثير، يعني برمنا منيح، أول، كان صرلي بس شهرين مبلشة عود مع مصطفى، بيحكيني بقلي في حفلة بمصر trio عود، trio عود كذا أنا، وهو، وأسامة، اللي هو خالي، اللي هو كمان صديقه كثير لمصطفى، ف trio عود لأنو مصطفى عندو أعود، هني octave، فرق، عود base، عود soprano، وعود alto هو مع مصطفى، فأنا كنت أعزف soprano، وأنا أصلاً بلشت بأصيل عم بعزف soprano، فهيا كانت أول مرة، كانت نقلة كمان هيك، إنو واو حفلة بزّا!! وبمسرح الجنية بمصر مع المورد الثقافي، وهيك، فحلوة كثير كانت الحفلة

**ن.ب.:** كان في جمهور كبير؟

**ف.ق.:** [00:40:24] أيه، لأنو مصطفى إسمو بسّمع، يعني مصطفى في إلو جمهورو منيح، هون وبمصر

**ن.ب.:** كيف كانت هاي التجربة، الرّحلة لمصر يعني بشكل عام؟

**ف.ق.:** [00:40:31] حلوة كثير، يعني، لأنو أول شي، حلوة كثير لأنو أول سفرة، وحلوة كثير لأنو أنا كثير بحب مصر، وصرت روح عليها كثير من بعد هالمرة، لأنو مع أسامة، فأنا ال safe side معي، يعني خالي كان معي، ومصطفى كذا عندو بالبيت وكان عم يعزّفنا بطريقته عل-- طبعاً مصطفى ضرير، ما بشوف، فكان إكتشاف القاهرة عبر مصطفى كثير لطيف، فهيك كانوا 4 أيام بس كانوا كثير intensive وعملنا كثير فيهن إشي، ورجعنا محمّلين بكتير هيك، أنا عالصعيد الشّخصي يعني، ومن بعدها رجعنا رحنا ع أبوطني عملنا مهرجان أبو طيبي الدّولي، [فرقة] أصيل، بس الفرقة كاملة، اللي هني 12

**ن.ب.:** فرقة --

**ف.ق.:** [00:41:11] فرقة مصطفى إسمها أصيل، هي 12 شخص، واللي طبعاً صرنا، بعدني أصحاب معن لهلق كثير، بعدها الفرقة موجودة، رجعنا رحنا ب2015 على إيطاليا، ورجعنا رحنا بنفس السنة على لندن، كان بالباربيكان سنتر [ Barbican Center]، يعني كان في كثير هيك opportunities مع مصطفى، ورجعنا مع مصطفى آخر حفلة عملناها-- وطبعاً ببيروت في كثير حفلات، "إطلاق البردة"، "توحد" اللي هني مشاريع موسيقية، سجّلنا ألبومين، حفلات ضمن "بيروت ترنّم"، وآخر سفرة كانت ببيروتين، هيديك السنة، بأبريل

**ن.ب.:** فيكي تحكيلي شوي عن ال1M وكيف كان، شو كانت الصّفوف، كيف كانت غير عن الجامعة اللبنانية، والدراسة بالجامعة اللبنانية؟

**ف.ق.:** [00:42:02] أوكي، ال1M تكلمة لل license يعني للإجازة، بس طبعاً صار في توجه ثاني اللي هو العلوم الموسيقية، ف في مواد علمية أكثر، بدأ تركيز أكثر، ف خلص ما في مزح، في جامعة وعم ندفع قسط، فإنو ما فيني ضيق وقت وإدفع زيادة على تسجيل عالي، هي جامعة خاصة بالأخر، إضافة إلى إنو في دكتور نداء أبو مراد، اللي هو كمان حدا كثير أساسي بحياة الموسيقيين عنّا بشكل عام، من مصطفى لهياف لأسامة، هو دكتور هن بالأساس، وهو عميد الكلية بالجامعة الأنطونية، وهلق هو supervisor على ال thesis تبني، فالوجود مع نداء أبو مراد، اللي أنا بس كنت أسمع بأسموا، كل الوقت، كان إله أتر، وقدرت هيك، أثبت نفسي شوي معو، واكتشف، قدر يوجّهني منيح، لأقدر إختار موضوع البحث وهيك. فكانت-- أبدأ ما كانت هيتة، يعني كتعب أكثر مرحلة تعبت فيها درس بالجامعة، كنت اطلع بصوف بعد الضهر، فياخذ وقت وجهد وطريق، قبل مثلاً كنت أتمشّي تمشاية عالجامعة، صرت بالأنطونية في جهد أكثر، في مصروف أكثر، فصعبة بس قطعت بنجاح كثير، يعني أول سنة جبت علامات كثير منيحة.

**ن.ب.:** طيب هلق بدّي أسألك عن حياتك اليوم، هلق انت حكيتلي أنو موظفة بشي محل؟

**ف.ق.:** [00:44:39] هيدي كمان قصة ثانية، لفتلك كيف اتوظّفت بهيدا المحلّ، بس كفي اللي أنت--

**ن.ب.:** أيه بدّي أسألك مثلاً كيف بتدعمي حالك مادياً؟ إنو بس من الموسيقى أو عندك كمان وظيفة؟ إنو أيه how do you support yourself؟

**ف.ق.:** [00:43:56] أوكيه، طب، هيدا بأوانل، بأواخر 2016، كنت أنا خلص خلصت ال1M وصلت لل2M، أخذتها لأن ع سنتين، فمواد قليلة، فأنا صرت قادرة أشتغل، لأن انقطعت سنة عن الشغل، ما كنت عم طلع فيهن مصاري، ف كنت بلشت برّم على شغل من مدارس بعكار، لهون لشوف وين بدّي علم



ن.ب.: كنتي عم تيرمي ع شغل موسيقي؟

ف.ق.: [00:44:23] \_\_\_ ع فرص اشتغل، علم موسيقي، بالمدارس، وطبعاً تعليم الموسيقى بالمدارس الخاصة هو شي بيعني معاش قليل، مفش جودة لا بالآلات ولا-- ما بينتبهوا كثير للحصة، [بيعتبروها] ترفيه، إلى آخره، لحد ما على تشرين هيك ظهر بحياتنا شي إسمو العمل للأمل، بحياتي أنا، يعني Action for Hope هي منظمة هون بلبنان، ما بعرف إذا سامعة فيها،

ن.ب.: When I read your [Facebook Profile] Bio I think

ف.ق.: [00:45:53] ف، كمان شبكة علاقات وصلنتي بـ Action for Hope، منّا مصطفى، اللي هو صديق ل بسمه الحسيني، اللي هي مديرة Action for hope، ممن عبد قبيسي، صديقي اللي بيعزف بزق، اللي هو أستاذ بزق بـ Action for Hope وهو بـ "أصيل"، فأنا بعرفوا من أصيل، فبس بيحكيني عبد بيقلي أنو أنا في عندي دروس بزق، Action For Hope هي منظمة بتهم بالفن بحياة المجتمعات المهمشة أو اللي عندها ظروف صعبة، تحديداً اللاجئين السوريين بالمرحلة السابقة، في مدارس موسيقي، بلبنان وبالأردن، مدرسة الموسيقى اللي بلبنان هي بالبقاع، كانت بشاتيليا، وفي فريق مسرح، مدرّسة سينما، وإلى آخره، فقلّي بتعوضني عني كم صف؟ قلنلو أكيد، وأنا وقتها كان ما في أبدأ شغل، ف طلعت، وبنفس هالفترة اللي أنا عم عوض فيها صفوف عن عبد، يعني أنا كثير محددين الصفوف اللي بدّي أعطيهم، يكون الـ supervisor تبع المدرسة الـ artistic supervisor، هون، اللي هو فواز باقر، موسيقي سوري، عايش بفرنسا، ف فواز بشوفني بالصف وبقلي "إلك مصلحة تكفي معنا؟"، ف فرصة شغل كثير مهمة، مش دوام مدرسة، مصاري كثير منح، يعني هني بيعطوا على الساعة كثير منيح، وموسيقي أنا بحب، نفس النمط الموسيقي اللي نحنا منتعلموا هني عم يعلموه، فكان شي حلم بالنسبة إلي إنو أنا بلشت علم هون

ن.ب.: كان بالبقاع؟

ف.ق.: [00:46:20] بالبقاع، بمخيم شاتيليا

ن.ب.: آه فكنت تروحي ل--

ف.ق.: [00:46:24] \_\_\_ بروح وبنزل

ن.ب.: تروحي وتنزلي؟

ف.ق.: [00:46:26] أيه، عالبقاع

ن.ب.: وقديش كان أعمارن الأطفال؟

ف.ق.: [00:46:29] بين الـ 12 لـ 18

ن.ب.: أو كيه، كيف كانت هاي التجربة؟

ف.ق.: [00:46:32] لا هي لهلق ما زالت مستمرة، طبعاً من أحلى الأشياء اللي بتصير، يعني اللي عم بتصير لهلق، واللي عم تبنيلى بشخصيتي مثل ما عم ببني بشخصيات تانية، لقلك كيف ضل الأثر يعني كبر، بهالمرحلة عملنا أول حفلة وأنا كنت لأنو محملة بعدي كل هالـ background الموسيقي بعد ما مفجرتها ب ولا محل، فجزتها فيهن، ف، فعمل فرق، فقلولي "فرح في position اللي هو assistant artistic supervisor، ف فواز قرر إنو أنا كون، اللي هو طبعاً شي مادّي منيح، وشي position هي منيحة، وصار عندي صلاحيات منيحة بالمدرسة، فضليت هيك سنة وشوي، لحد 20 March, April 2018، "ألو فرح، بذلك تكوني معنا program officer؟" شي أنا أبدأ ما بعرف أعملو، فهيك انخضت أول شي، وكانت زميلتي سارة عم قلها إنو "سارة، فسريلي أكثر عن الشغل" قالتلي ببسط وهيك وإلى آخره، ويعني ميزانيات، على تنظيم البرنامج، يعني مسؤولية البرنامج

ن.ب.: فهلق صرتي، يعني، مش بس تعلمي، أو بعدك عم تعلمي؟ أو مش مثل قبل؟

ف.ق.: [00:48:48] [تأخذ نفس عميق] يعني شوي

ن.ب.: فأكثر هلق تركيز عالـ program management؟

ف.ق.: [00:47:52] ابيه، فكنت عم قول "هلق إنو سارة، بس أنا عندي 2M" [تضحك] عم خلصو، ولهلق ما خلص، ف كان إنو يلا بفكر نظم الوقت، ففتنا، فتت أول سنة ما استلمت مدارس الموسيقى، أنا أول سنة استلمت برامج تانية، وطبعاً عم بلش بحياة إدارية

--

ن.ب.: \_\_ بالمسرح وهيك؟

ف.ق.: [00:48:11] أياه، بلشت بحياة إدارية بحياتي ما عاملنا، ف عم بتعلم إشي، وفي الموسيقى ماشية عنفس الخط، وطبعاً هون بلشو حفلات مترو يزيدو، موسيقياً عم بتعرف عناس أكثر، تجارب أكثر، إلخ، اممم، ورجعت هالسنة، ب January استلمت مدارس الموسيقى، اللي هني كانو phase تانية بعد، لأنو أنا عندي مدرسة موسيقى عم ديرها مش بس، يعني موسيقياً وإدارياً

ن.ب.: \_\_ بنفس Action؟

ف.ق.: [00:48:36] بنفس Action for Hope بالأردن ولبنان، بالإضافة لمدرسة سينيماء، ولفريق مسرح

ن.ب.: فانت عم تنظمي هول لابرامج؟

ف.ق.: [00:48:44] صح

ن.ب.: أكثر ما عم تعلمي؟

ف.ق.: [00:48:47] صح، وعم بعطي ورش، يعني أنا بالأخر بدو يكون عناً مثلاً، اللي هو system إنو بفوت طالب، أبدأ ما بيعرف ولا شي، بيدرس 18 شهر، بيطلع موسيقى، فهني يكونو كثير intensive sessions و workshops، ف أنا يكون إلي وجود أكيد بالworkshops بس بطلت عم بعطي regular sessions

ن.ب.: في تلميذ أو تلميذة يعني شفتي رحلتهم الموسيقية وكنتي فخورة فيهن؟ فيكي تعطيني مثال؟

ف.ق.: [00:49:12] أوه! \_\_ كثير، صراحة، نحن لما منختار التلاميذ، منختار pure talent، يعني كثير بدو يكون في موهبة ليفدر أصلاً ب18 شهر يطلع نتيجة

ن.ب.: كيف بقيسو هيدا السي؟

ف.ق.: [00:49:29] شفتي الإختبار اللي قتللك ياه؟ هو نفسو، بيتبعوه أساتذة الموسيقى

ن.ب.: تبع الإيقاع والغنى؟

ف.ق.: [00:49:34] أياه، فنحن تقريباً منشوف بالسنة 500 حدا، بالaudition، بيتقدموا، ومنختار 30. فتختلي قديش بدها تكون ال talent كبيرة، ف لهلق صرنا مخرجين 3 دفعات، ومن الدفعة الأولى هني بيصلو عم يفاجئوني، يعني اممم، طبعاً في ناس بتبطل، في ناس رجعت على سوريا، في، كثير تغير أشي، بس في ناس، العدد الأكبر، لهلق متابعين رحلته، لهلق منعمل معن حفلات، بمترو عناً حفلة هلق ب26 October، صاروا bands، صاروا فرق، هني بيعملو program لحالن، في حاطيكي مثل، في عندي طالبة كان، إسمها مها فتوح، مها درست واتخرجت وعملت معن حفلات، وكانت بفرقة أنا بدرها، هي إسمها فرقة الزهورات، فرقة بس بنات، بيلعبوا موسيقى، ف مها إجت--إجا فرصة لجوء إليها ولعليتها على Norway، فراحوا طبعاً العيلة وأخذت البزق، وعملنا عنها هيك فيلم، فيي أبعثلك اللينك إذا بدك تشوفيه، وصارت مها ب Norway، بس هوس الموسيقى بعدو يعني. فإجت فرصة مع جمعية ب Norway هيديك السنة، هالسنة، ورحنا أنا ومها عملنا حفلة ب Norway، كذا ب [؟؟؟ غير واضح: resort؟؟؟]، فكتير كانت لطيفة التجربة، وقديه شفتها كبرت، يعني كبرت موسيقياً وهيك نضجت و صرنا نلعب سوا بحفلة، فلطيف كان كثير

ن.ب.: شو الصعوبات إنو لما تدرسي أطفال بهالعمر؟

ف.ق.: [00:51:00] هلق بدك تلاقي الطريقة، يعني في أسلوب، بدك تعرفي تخلفي رابط بينك وبين الطالب لحتى تقدر تفهميه، وانت تفهمي عليه، شو بدو هو، وتقدري عنجد تكتشفي، هل عندو ال potential إنو أنا إستتمر فيه، يعني إضغظو؟ لأنو أحياناً مثلاً، من أيام بيت الموسيقى، كان في أمات يجيبوا ولادن، إنو هني عبالن يعلمون موسيقى، بس الولد ما يكون عندو موهبة، which

is حرام يعني، أنا كنت عم بعطيه درس زيادة عن دروس المدرسة، فهو ما رح يستمتع، أنا بس عم بضغطو نفسياً، ف Action for Hope أنا كنت بس جرب لآقي الصيغة، لحتى-- طبعاً مع شوية شدة، بس متو يعني-- في، في حزم، بس طبعاً ما في أيا نوع من أنواع إتو اللوم، التائب أو إلخ، أبدأ، بما إتو لقيني الرابط، فهون خلص مشيت ال cycle، هو حيتمرن ويرجع يأخذ ملاحظات، ويرجع يتمرن، ويرجع يأخذ ملاحظات--

ن.ب.: وكانوا دراسات جماعية، صح؟

ف.ق.: [00:52:03] فردي العزف

ن.ب.: فردي؟

ف.ق.: [00:52:04] ال classes الجماعي هني ال history theory ال solfège، النوتة، بس البزق، الآلات وهيك، فردي

ن.ب.: ف هلق إتو معظم وقتك يعني مهنياً بروح ل Action for Aid

ف.ق.: [00:52:18] For Hope

ن.ب.: for hope

(ضحكت الاثنان)

ن.ب.: طيب، وإنت in your spare time، كيف بتتدربي، كيف بتحسني مهاراتك موسيقياً، عندك practice routine مثلاً؟

ف.ق.: [00:52:31] أكيد، اممم، أكيد في practice، مش يومي للأسف بالمرحلة، بس إذا قعدت وقزرت إتمرن، بتسحب ساعات، يعني بيكون تمرين، لهلق بعدي بقزّر أحفظ إشي، فالحفظ عملية الحفظ لحالها، لحتى إرجع نشط ذاكرتي، كانت أنشط يعني مثلاً من 5 سنين، اممم، أوقات كتير مثلاً بحفلات مترو، بتعرفي إنت مناخد projects، فproject واحد بكون فيه تحدي، بالنمط الموسيقي، أو في تحدي ب technique معين بالآلة، فهيدا لحالو، اممم، مثلاً في نقطة هون، أنا وعم علم طالب، امم، أحياناً بقلو نظرياً عن technique، أنا بكون ما كتير متمرن عليها، فلما أنا بقلو نظرياً بصير فهمها لحالي بنفس الوقت، بصير مجبورة أتمرن أنا وياه، فهيدا كمان لألي يعني بال technique، طبعاً كنت أسرع لأتو بعزف قبلن بعشر سنين، بس كمان كان إلو أثر، فالتحدي دايماً، إتو هلق أنا حياتي عم، يعني ال career متورّعة شوي، بس الموسيقى دايماً بحرص إتو إلها الحصّة الأهم من تفكيري، لو ما هلق عم تقدر تاخذ الحصّة الأكبر من الوقت، بس يعني، لبعدين أكيد بفكر ب music project لألي، اممم، بفكر، أنا شو بدّي من الموسيقي، لبعدين شو بدّي من البزق، صرت عارفة، تقريباً، يعني علاقتنا تمام، شو بدّي من الموسيقي؟ التقينا من فترة بحازم شاهين، بتعرفي حازم؟ عازف عود، مصري، شاطر، كان هيك idol بالنسبة إلنا منحتو كتير، ف التقينا فيه من فترة وهيك عم نعزف، فقلّي إتو "إنت لازم تألّفي"، يعني قلّي "إنت تقاسيمك وأفكارك، حدا مؤلف"، ف...، وصرنا عم نحكي أنا وأصحابي عن الفكرة، إتو كيف قلّي هيك، قتلن أنا، ما بقول إتو أنا هلق بدّي ألف موسيقي، لأنو لازم ألف موسيقي، أنا، لما بتجي فكرة موسيقي، بكون ألفنا، فبتكون طلعت، فما--

ن.ب.: جرتي تألّفي قبل؟

ف.ق.: [00:54:32] أيه، ما بحب جرب أعمل شي، يعني، عرفتي علي؟ يعني ما بحب إني أدفش حالي أعمل الشغلة لأنو حتطلع مصطنعة، ف اللي بقولو، اللي بقولو لحالي إتو، لما بتجي الجملة الموسيقية، وتدقني أنا ألفها، فهي رح تكون إجت بوقتها، ما رح، ما بدّي اصطنع شي، متي مستعجلة على شي، بأمّن كتير إتو هيدا الموضوع موضوع تراكم، أكثر من موضوع أنا بدّي أخلقه هلق بهيدي اللحظة، التمرين أنا بخلقه، الحفظ أنا بخلقه، بس كيف بدو يطلع بعدين، بتركو شوي للوقت، كتير بأمّن بالوقت بهالنقطة، مش الوقت لأجل، بسّ لماً، مثلاً لماً عملت نقلة نوعية بالبزق، تقاسيمي اختلفت، مش لإتو أنا قررت هلق تقاسيمي تختلف، ريشتي تصير أحسن، لأنو فعلياً تراكم النظريات اللي براسي على السمع اللي سمعتو على الإشي اللي شفتها. أدّى بمرحلة إتو أعصابي تحكمت مع عقلي بطريقة وطلع هيدا الشّي، ففس الشّي للتأليف، بحسّ إتو الوقت ح يوديني لمرحلة، يطلع هيدا الشّي، بس ما بدّي إجبرو يطلع بمرحلة، خليه، يعني ينطبخ على مهلو. [تبتسم]

ن.ب.: أوكي، هلق إتو عم تشتغلي ل Action for Hope، وعم تقدّمي حفلات، فهول ال groups إتو are you part of different groups مثلاً، برّات الشغل؟ بعدك مع مصطفى عم تعزفي معو؟ شو كمان، غروبوات؟

ف.ق.: [00:55:54] أيه، حفلات قصيرة هَلَق شوي قلال، بس بعدني يعني ب"أصيل"، ب"طريق الشرق" مع رامي الجندي، ب-- مع أمل كعوش، إذا بتعرفي أمل؟

ن.ب.: سمعت فيها

ف.ق.: [00:56:07] بالband مع أمل كمان، وبdifferent bands بمترو، وطبعاً بمنعمل gigs مثلاً مع ساندي شمعون، أحياناً إشيا بزات مترو، فبيركب كتير يعني-- فيشتغل بمترو وبكذا شغلة كمان بزات مترو، طبعاً أحياناً music projects تسجلي شي لشغلة، لCD، فكمال

ن.ب.: وكل هالgroups يعني لما تعملوا حفلات، بتقبضي مصاري كمان ممن؟

ف.ق.: [00:56:37] في إشيا طبعاً يعني – [التلفون يرّن ويتم وقف التسجيل]

ن.ب.: sorry

ن.ب.: أنا كنت عم بسألك بتقبضي مصاري من كل هالحفلات كل هالغروبات اللي إنت فيها؟

ف.ق.: [00:56:53] أغلب الحفلات طبعاً يكون في بدل مادّي لأتو منضل على مطرح، no مش بس ههي الentertainment، ههي الcareer، وفي ناس غيري موسيقيين هتي بس بيشتغلوا موسيقى فمنحرص دايماً إتو أطلب حقي كامل، بس في كتير حفلات، أنا بكون عبالى إتو أنا أعلان بلا مصاري، لأنو بكون عبالى المكان والجمعة، يعني whatever بس مش هو المعيار الأول، بس هو حق بحرص دايماً إتو ما ضيعو، البديل المادّي يعني مقابل الحفلات.  
ن.ب.: بس معظم الدعم المادّي لحالك بيجي من your job؟

ف.ق.: [00:57:39] مم

ن.ب.: أوكي، أنا بدّي ركز أكثر مثلاً على حفلة فيليمون وهبي، قوليلي إتو من البداية كيف تعرّفتي على هيدا المشروع وعلى هول الناس وكيف عملتوا بروفات مع بعض لوصلتو، لوصلتو لمطرح إتو تعطوا هيدا الشّي بالأداء

ف.ق.: [00:58:02] حفلة فيليمون بالتّحديد، أنا بحبّو للproject كتير، من الأشخاص اللي فيه ومن الأغاني، هيدا يا ستي، لبشلك أوّل شي كيف تعرّفنا على بعض، ب2015، الفترة اللي أنا بلّشت أنطلق فيها ببيروت، يعني بلّشنا الband وأنا موجودة وهيك، وcommunity جديدة والخ، تعرّفت على ألكسندر بوليكوفيتش، راقص لبناني، كان عم يحضّر عرض-- هو برقص شرقي، belly dance، فكان بدّو فرقة، يكون فيها mainly كمان بنات، عم تعزف وهو عم برقص، وهيك عرض مصري وفرقة يعني، فطبعاً ما قدر يلاقي كلّ الband بنات، كئنا بنات أنا وإيليان عوض، بتلعب percussion، وأنا كنت عم بلعب عود بوقتها، وكان تعرّفت وقتها على سماح اللي هو بيغنّي فيليمون، وكان في معنا جورج الشيخ، اللي هو بيلعب ناي، بالفيليمون، جورج صديقي من أيام "بيت الموسيقى" من عكار، من زمان يعني، فوقتها بلّشت المعرفة، وركب بيناتنا أصلاً chemistry كتير منيحة، بالعزف، خصوصي أنا وجورج وسماح، ف انوجدنا بكذا project تاني، ودايماً منقترح بعضنا ع projects لأنو منفق يعني كتير موسيقياً وخلص chemistry راقبة، ف كان بلش يتبلور هيك فكرة فيليمون مع سماح، إتو بدّو يقدمها، وطبعاً بمترو بيعمل هيدا الشّي، ف مترو مثل أيا production يعني بيختارو موسيقيين، بينحط أوقات بروفات، ما كان معنا أكثر وقت للبروفات، ما عملنا كتير كتير بروفات، الأغاني هتي مش كتير صعبين، بس تركيبية الmood تبع العرض كان بدّها طاقة، فانخلقت طاقة كتير لذيدة، وطبعاً طاقة سماح عالمسرح كتير ممتازة، ف منتبادلها كلّ الوقت، فلهيك هو عرض منتسلي فيه، من أوّله لآخره، مش عرض طالعة هيك أنا أعمل عرض وقدم موسيقى، منتسلي

ن.ب.: قدّيش كان عندك وقت لتحضرو العرض؟

ف.ق.: [01:00:07] يعني أقل من شهر

ن.ب.: أوف، أوكي،

ف.ق.: [01:00:11] [ابتسمت] تقريبا إبه شهر، هيك شي

ن.ب.: وكم عرض عملتو؟

ف.ق.: [01:00:16] لهأت أكثر من 10 عروض

ن.ب.: من نفس هيدا ال program تبع ال فيليمون وهبي؟

ف.ق.: [01:00:22] ايه

ن.ب.: وكيف تجربتك يعني انت عادة بتعزفي مع رجال ونساء، أو mix، أو، مثلاً بهيدا العرض كانوا كلهم رجال

ف.ق.: [01:00:36] رجال، بالصدفة

ن.ب.: وكيف كانت هاي التجربة؟

ف.ق.: [01:00:40] حقيقة، شوفي عجد ما بعرف إذا ح يعني، حقيقة ما بفكر بهالموضوع، يعني ولا بيعني- يعني إذا بجي على فرقة، وبعرف مين فيها، ولا بمرّة بفكر عدّهن، مين إتو كم حدا رجال كم حدا نساء، هل أنا وحدي؟ أنا بعنبر إتو أنا هون عندي دور موسيقيّ بدّي أدبه، whatever كنت، مين ما عم يعزف معي، ومين، يعني فعلاً، ب فيليمون يمكن انتبهنا لشي تالت بروفا إتو أنا بس بنت، ولا هني، يعني اللي بيربحني حتّى بالتعاطي معن للشباب إتو ولا مرّة بيكون إتو بي في بنت، مش بس إتو تعو نمزقا يعني، ف، وشي بيخليني أصلاً أعمل موسيقى وأنا ضميري مرتاح إتو أنا ما بفكر ولا مرّة إتو أنا بنت عم بعمل هيدا الشّي، اممم.. لكون عم بتعزج أكثر، بالعكس بدّي كون أثبت كل وقت جدارتي الموسيقية، يعني، أنا عندي أصابع مثل ما الزلّمة عندو أصابع [تضحك]، منتمرن وعادي

ن.ب.: هل شي مرّة حسيتي إتو حدا عاملك بهالطريقة، إتو، بميزك كامرأة بتعملي موسيقى؟

ف.ق.: [01:01:45] كتير، أكيد، ولا مرّة بشدّدلن ع هالفكرة، يعني حتّى في لقاءات صحافية قبل، بكون مثلاً حدا بدو يعمل لقاء بس لأتو بنت وإتو تعي نرگز على إتو ياي بنت عم تعزف موسيقى، فمحنكي العكس، امم، مثلاً من فترة انطرح program تلفزيوني، عن إتو عم ينعمل شي وفرقة بس بنات، فأنا بنفر، يعني، بكره إتو نقدّم البنت، إتو موسيقية بس بنت، ونحطها بهيدا القالب، لأنو كلما ركزنا على فكرة نضوي ع هيدا الموضوع، كلما منكون أظهرنا إتو نحنا مأمنين إتو هي شي مختلف لهيك هي محتاجة الضو، برأيي كل حدا بجدارته بيقدّر بثبت شي معين، هو منو محتاج لغير أضواء لحتّى أو غير أسباب، جندرية ان كانت ولا يعني إنتمائية معينة

ن.ب.: أوكيه، بعتمد إتو في أوقات مثل هيك يعني، إتو نحنا فكرتنا مع ورشة المعارف إتو عم نحكي ما في كتير معلومات أو تواريخ عن نساء بيعملوا بالموسيقى، أكيد بدنا نوصل لمرحلة أتو ما يكون في تمييز، ما يكون في يعني في شي "أوه، واو، هاي إمراة بتعمل موسيقى"، بس إتو، بعدنا إجتماعياً مش واصلين لهون--

ف.ق.: [01:03:13] بفهم

ن.ب.: فعشان هيك أنا كنت حب أطرح هي القصة

ف.ق.: [01:03:16] أكيد، وحتّى الأسئلة، أسئلتك انت مثلاً، مش عم تركزي أبداً على إتو "بنت شو عم تعملي"، عم تحكيني كحدا موسيقي، ومن ناحية حدا عم يبحث، غير من ناحية حدا عم ينتج، يعني انت مبرّر تماماً، أو أي حدا، مبرّر كيف بدو يكون عم بسلط الضوء، لأنو هو دوره بمرحلة يسلط الضوء، بس أنا دوري، أنا عم بفعل الشّي هون، بعنبر إتو أنا دوري ما أجد هالسبب الوحيد وإحمله، أنا دوري نفذ الشّي اللي أنا فيه، تماماً، وهو بيبيّن مثل ما لازم بيبيّن عند الناس وعند الباحثين وعند الموسيقيين التانيين وإلخ، فلكل حدا دور بهالشي، بس مثلاً، أنا لّمّا بنسأل عن هيدا الموضوع، بحب ركز على إتو يعني، حتّى فرقة البنات، بس يكون في فرقة بنات، بقول إتو، ب "زهورات" مثلاً ب Action for Hope نحنا عملنا "زهورات"، اللي هي فرقة بنات بس، بس ما كان السبب نحصرهن بس بنات، كان السبب إتو إذا إجا فرصة شغل، فممك أهل هول الفتيات المراهقات يرتاحوا أكثر إذا هني كانوا بس بنات، فلهيدا السبب، إتو نلاقين فرص شغل أكثر، وهيدا السبب أنا بيزروا تماماً، لهيك نحن منلجأ لهيك إشي أحيان، منلجأ -- بس بال background الأبعد، امم، بفضل، وبطمح، مثل نا إنت قلتي، لبعدين، نحنا منحلّم إتو ننشوف إتو هو صار شي equal بطبيعة الحال، فأنا بالشغل بجزب أوصلوا، يعني فعلياً بالفعل

ن.ب.: إنت برأيك شو هي الحواجز الثقافية والاجتماعية اللي ما تخلي النساء مثلاً، يعملو موسيقى كمهنة، أو إذا بيعملوها كمهنة، يعني، بفضلو يغتو مش يعزفو؟

ف.ق.: [01:05:02] ايه-- هلق في شي خصو بالعيل، بالموروث الاجتماعي والعائلي، بظن، امم، يعني مثلاً إنك تروحي عملي حفلة بوقت متأخر، وترجعي، هيدا أكيد عائق إدام ان كان للمطربة أو العازفة... قصة إنك إنت تروحي عالجامعة تدرسي موسيقى، يعني أنا مرة أستاذ بالمدرسة، بأخر سنة بالثانوية كان عم يسألنا "شو بدكن تعملو؟"، فكل حدا عم بعد، وصلت أنا قتلنو موسيقى، قلّي "روحي اعلمي شي ينفعك"، [ضحكت]، "ليه عم عملي موسيقى؟" فهيدا الموروث نحن كل الوقت...، أنا لما كنت أمشي ع"بيت الموسيقى" المعهد البتعلّم فيه، حاملة البزق، من البيت لخمس متار بعيد عن بيت الموسيقى، 6,000 حدا يكون عم يتطلع، إنو "شو هيدا؟"، ف ما بعرف إذا هيدا سبب إنو النساء بتروح أكثر على إنو تغني، هي وما حاملة شي

ن.ب.: ما حاملة شي. في يمكن focus أكثر عال performance، عال aesthetics؟

ف.ق.: [01:06:05] معقول، كمان، يعني فعلياً عنجد ما عندي جواب خالص ليش النساء بتروح عالزف أكثر من الغناء، ما بعرف إذا بيستصعبوا أو لأنو بالموروث البعيد عنّا إنو العزف بدو عضلات، والعضلات مش تبع النساء، فكمان هي يمكن تكون بال background تبع النساء، ويمكن عنّا نساء عازفات بس ما كان مضوّا عليهن بالشكل الكافي، فما وصلتنا أخبارن، بس لأنو المغنية هي دايماً Diva فوصلنا خبر، عرفنا عن المغنية يعني

ن.ب.: أو كيه، بدّي أسألك، هلق إنت عندك صداقات مع نساء أخرين مثلاً بيعملوا موسيقى، شفتي انت بحياتهم كان في حواجز، من أهل، من مجتمع أثر فيهن برحلتن الموسيقية، كيف بتدعمو بعضكن؟

ف.ق.: [01:07:12] بعرف من صديقاتي وبعرف من تلاميذي بنفس الوقت، صديقاتي هلق ما كان في حالات قسوة مع الأهل، أغلبن، مش أريح شي، بس ما كان في منع، أو ما كان في رفض تام، كان في دايماً نقاش، لإنو أغلبن مثلاً بعرفن من أيام الجامعة، فهني لوصلو لهل المرحلة هني متفتين بطريقة أو ما مع أهلن، هي العيلة الصغيرة، العيلة الكبيرة طبعاً غير، غير إشي، امم.. مع الطلاب عنّا مثلاً، ياما، بمخيم أو بضبعة بالبقاع أو whatever، بكون إنو "بنتي بهالعمر بدأ تعزف، بعدين بدنا نجوزها ما في"، إنو شو منقلن "رايحة [بنتكن] تعمل حفلة؟" أو شو منقلن "ماسكة آلة ورايحة؟" فهيدا سيط، يعني بما إنو العالم عم بتشوفها حاملة آلة، وماشية وطالعة وفايتة، فهو سيط ما ح يخلي حدا يطلبها، يطلب إيدها ليتجوزها، ف لهلق هاي، لهلق مناوجها

ن.ب.: كيف بتتعاملي مع مثلاً الناس اللي بيحكوو هيك؟

ف.ق.: [01:08:17] طبعاً منجرب مع الأهل، يعني تجارب لا متناهية، يعني منضلنا نجرب نقنعن، ونأمنلا نحنا النقل، منوصلها نحن عالبيت ومناخدها من البيت، بكون في حماية مشددة يعني، بكون في بدل مادي طبعاً، لحتي بس نقنع الأهل إنو هاي ممكن تكون مهنتها، مش بس عم نعمل هيك لحتي تطلع من البيت، نحن عم نجرب نبني مهنة لهالبيت، خصوصي إنو أغلبن بطلوا يروحو عالمدارس كان، ف عم نجرب فعلاً نخلق بديل، لحدا عندو موهبة يعني

ن.ب.: هل في أهالي بتحكوي مثلاً إنو دينياً هيدا الشئ مش مسموح، هيدا الشئ حرام؟

ف.ق.: [01:08:54] أكيد، يعني، ليفوتو ولادن عالمدسة هني بدن يكونو شوي حذرين، لما نبليش بالأغاني، يحسوا إنو فيه أغاني، ف يبليشو، طبعاً بتكون الردود إنو "أيه ما نحن منعطي تواشبح كمان يعني بالمنهج تبع المدرسة، بيمرق تواشبح، ممم --

ن.ب.: شو يعني تواشبح؟

ف.ق.: [01:09:20] إشي دينية، بيمرق إشي بالتعليم، ومنا منطلق لغير مقطوعات وغير أغاني، فمجبّر نفتلن من هيدا الباب، امم، وفي أهل بيقتنعو، في أهل بطنشو، في أهل بضلن مصريين، ف، بيمرق يعني

ن.ب.: في مرات خسرتي طلاب بنات من ورا هالشي؟

ف.ق.: [01:09:40] أكيد، يعني في طالبة بنت، كتبير شاطرة، وجربنا كتبير مع أهلها، مش بس من ورا دينياً، من ورا إنو هي كبرت، كبرت يعني صار عمرها 14، سنّ المراهقة، فهي ما بقي لازم تطلع وتفوت عالخميم هي وحاملة آلة، فوقفت

ن.ب.: ما رجعت؟

ف.ق.: [01:09:58] جَرَبنا على مدى شهر، وخلص بيّا كان مصرّ

ن.ب.: بتعرفي شو صار معاهم؟

ف.ق.: [01:10:04] لهَلَق ما كثير منعرف أخبار بس منجرب نعرف من وقت للتاني، عادي حياتن، بدو يكون في شي مشروع إنو بدو يخطبها لشي حدا، بعد فترة أكيد

ن.ب.: أوكي، طيب، قَرَبنا نخلص، شوي، بس كان بدّي أسألك، فيكي تشرحيلي إنو يوم طبيعي حياتك، شو بتعملي من الصبح للمساء؟

ف.ق.: [01:10:31] [تضحك] كثير ببكي السؤال، أوكي، يوم طبيعي، بفيق الساعة 8، لأوصل عالشغل الساعة 9--

ن.ب.: \_\_\_\_\_ عادةً وين؟

ف.ق.: [01:10:43] بالصنایع

ن.ب.: بالصنایع، أوكي

ف.ق.: [01:10:45] دوامي 4 أيام بالأسبوع، وطبعاً يكون في أيام جداً بالبِقاع، بشتغل شوي part-time

ن.ب.: ضمن هول ال 4 أيام؟

ف.ق.: [01:10:53] أياه، أو أحياناً لأنّي بشتغل part-time، فأنو شغلي الإداري يكون بهال 4 أيام، شغلي الموسيقي يكون بال weekend أوقات، فبطلع بعلم بال weekend مثلاً جمعة أو سبت أو أحد

ن.ب.: بتعلمي--؟

ف.ق.: [01:11:03] الطّلاب نفسهن. اممم... أغلب أغلب الأوقات، بعد الدّوام اللي هو السّعة 5 يكون عندي بروفات، فالبروفا بتكون 5 ورعب، بس أوصل، إنزل، وأوقات، يكون بعد البروفا عندي حفلة، ف-- نهاري يكون non-stop 8-12 مثلاً

ن.ب.: واو، امم، قدّيش عندك حفلات؟ إنو مرّة بالأسبوع؟ مرّة بالشّهر؟

ف.ق.: [01:11:30] أكثر، هلّق مع مترو، هلق طبعاً بالشّتي بيزيدو أكثر بكثير، بس يعني two per week

ن.ب.: two per week حفلات؟ بروفات؟

ف.ق.: [01:11:42] مثلاً two to three, per week

ن.ب.: two to three per week, wow, that's a lot of music for one week، طب شو بتحبّي عملي بس يكون عندك وقت enough، لحالك؟

ف.ق.: [01:11:56] بسمع موسيقي، طبعاً أنا كثير بسوق، لأنو بطلع عالبِقاع، وبطلع ع عكار، فعندي كثير مساحات سواقه، فبكون كلّ الوقت عم بسمع موسيقي، وغالباً بحفظ الأغاني اللي بدّي إتدرب عليها بالسيارة-- بغير أوقات كثير بحب أرسم

ن.ب.: بتحبّي ترسمي؟

ف.ق.: [01:12:18] يعني هاي هيك بتخبّي فيها، بحب...

ن.ب.: \_\_\_\_\_ شو بتحبّي ترسمي؟

ف.ق.: [01:12:24] بحبّ أرسّم على الحجران، هيّك بعمل إشيّا خصّاً بالmandalas وهيّك عالجران، هيّك لأنّنا إنّسليّ يعني

ن.ب.: ومن وين بتجيبين للجران؟

ف.ق.: [01:12:32] البحر

ن.ب.: آه، أوكيه، [تضحك]

ف.ق.: [01:12:35] هلّق بقوم بفرجيكي شوي، اممم، بقرأ بس فيني، مثلاً في بكون عندي وقت فراغ بقول لازم اشتغل بال2M، بس فعلاً بكون واصل دماغي لمرحلة إنّو ما قادر يفكر [تبتسم] بالأشياء، فيكون بس بدّي هيّك فضّي شوي، فيعمل إشيّا اللي هي... وغالباً بطلع شوي بمشي، أنا كثير حدا social، ف كثير بطلع مع أصحابي وبفوت و-- فغالباً المشاريع بتطلع هيّك [تفرقع اصبعها] دائماً بس لاقى نهار كامل فراغ، بنط فيه على عگار

ن.ب.: معظم أصدقائك كمان موسيقيين؟

ف.ق.: [01:13:09] ممم

ن.ب.: وبتعرفوا مع بعض بس تكونوا سوا؟

ف.ق.: [01:13:11] كثير

ن.ب.: أوكي، just for fun وهيّك؟

ف.ق.: [01:13:14] اللي هو أيّ قعدة، ف هي لازم يكون فيها بزق، فهو بيصير فيها آلات، ومنبلّش. وأحياناً على قعدات بقول إنّو أنا مثلاً مش جايبة البزق اليوم، أو بس سافر مثلاً مع أصحابي بقول أنا مش جايبة البزق لأنّو خلص [تضحكان] -- إنّو هيّدا شغل!

ن.ب.: أوكي، بتحسّي عندك فيه توازن بين وقت فراغ وحياة مهنيّة؟ ولّا ما كثير

ف.ق.: [01:13:38] يعني بهالفترة، ما مش أحسن شي التوازن، بسّ أنا إذا بقعد يومين ما عندي شي بزق، يعني بنظر يوم العطلة بس بس يجي بضجر، فهيدا الrhythm ماشي معي، يعني ماشي مع rhythm-ي، طبعاً بوصل لأوقات بنهار من التّعب، بوصل لأوقات بكون كثير أحسن، بوصل لأوقات الضّغط أصلاً بخفّ، بس بشكل عام، الrhythm أنا ماشية معو، يعني بحس إنّو هلّق هيّدا العمر هو تبع إنّو أنا إختير كلّ الأشياء، أنا هيّك حاظة إنّو "فرح تعي نضلنا نجرّب" شي سننين ثلاثة بعد، نجرّب إشيّا، يعني يمكن أنا هلّق بطلّ بدّي أعمل هيّدا الشّي، بطلّ بدّي-- غير آله، مش غير آله، إتعلّم آله جديدة، كثير بحب أتعلّم آله جديدة، ف، فيعدني تاركة لحالي شويّة مجال إنّي أركض، واكتشف إشيّا، وبطلّ عن إشيّا--

ن.ب.: بعدك عم تعرفي عود؟

ف.ق.: [01:14:31] مم، أقلّ بس

ن.ب.: آه أوكي، بس لّمّا تعملي يعني تتمرّني لحالك، بتعرفي عالبزق والعود كمان؟

ف.ق.: [01:14:38] البزق أكثر بكثير. أنا بميل للبزق أكثر بكثير. العود بتمرّن عليه فعليّاً لّمّا يكون في عندي project بدّو عود، فيتمرّن على الأغاني عالعود، لأنّو أنا كثير بميل لصوت البزق

ن.ب.: ممم، بس انو timbre تبع الinstrument بتحبّيتها أكثر؟



**ف.ق.:** [01:14:53] بحبّ ال timbre كثير، وبالعود، أكثر شي بحب ال base-y، ف بحبّ العود ال base مثلاً أكثر من العود العادي، وكثير بحبّ ال double base مثلاً، فهو extreme البزق، البزق هو the highest instrument بالأوتار، ال base.. بحسّ بشبعوني الاثنين، [تضحك] ال high والبابيس

**ن.ب.:** شو طموحاتك للموسيقى بالمستقبل؟

**ف.ق.:** [01:15:16] مم-- هيدا سؤال كبير، طبعاً إنّي ما وقّف موسيقى ولا مرّة، أبداً، شو ما كانت الظروف، دايماً بتخيّل، وأنا حدا كثير ببوقع، وقت لمّا كسرت إيدي، أنا من شهرين كاسرة إيدي مرّة ثانية--

**ن.ب.:** \_\_\_\_\_ أوف، سلامتكم

**ف.ق.:** [01:15:32] شكرأ، فأنا حدا كثير بخبّط حالو، فدايماً بتخايل، "فرح بلكي وصلتني لمرحلة، عنجد انعطب فيكي شي؟"، فبصير أتخيّل أنا كيف ممكن أتدرب وشو ممكن أعمل بالموسيقى. يعني مثلاً "إذا بلا هالأيدي شو منعمل؟ وإذا بلا هالأيدي شو منعمل؟" [تضحك]، و "إذا صار"-- فدايماً عندي خطط إنو كيف ولا مرّة وقّف موسيقى، لو شو أكبر إعاقة صارت عندي، أو عائق بالحياة يعني، ممم-- (إني إكتشف موسيقات ثانية، أنا كثير بحبّ ال ethno-music، فكثر بحب روح إكتشف موسيقى ببلدان، كثير بحب روح أقعد بايران فترة، شوف الموسيقى، يعني، أنريجان وهيك، ف، فهيدا المشروع شوي مؤجّل، بس بحب أعملو كثير بمرحلة، طبعاً تراكم خبرات، أنا بعرف إنو بدو يودّي ليطلع شي موسيقيّ بالأخر، انتاج موسيقيّ، مش ناظرته أنا وهيك متكفّة، بس مش مستعجلة عليه، فما عم تكنكه عالهدا

**ن.ب.:** هل رؤيتك لهيدا الشي إنو تكوني لحالك عم تعملي هيدا الشي أو مع ناس؟

**ف.ق.:** [01:16:32] ما بتخايل يكون لحالي

**ن.ب.:** يعني it sounds like إنو أكثر تجاربك كانت مع ناس آخرين

**ف.ق.:** [01:16:40] أقل شي عملته كان بسّ أنا وسارة، كان duo، اللي هو أكثر شي كان قليل، ناس قلال يعني

**ن.ب.:** ما بتعرّفي لحالك كثير بحفلات وهيك؟

**ف.ق.:** [01:16:50] هلّق بمترو مرقت فترة يعملوا jam sessions فمرّة قرّر الشّب اللي بنظّم، إسمو مارك ارغنست بيلعب piano، أتو أنا افتتح، فأنا وحدي عالمسرح، أنا طبعاً ركبني الهّم يعني-- كان كثير حلو، وإكتشفت إشياء، هاي كان لازم إحكليك عنّا كمان بغير طرق، ف عرفت كون لحالي عالمسرح، وإكتشفت إنو أنا فيني أعمل هيدا الشّي، بس دايماً، مش لأنو ما بحب كون أنا لحالي، بحب الصّوت، بحب إكتمل أنا مع شي ثاني، بعد، مرّة بوحدة من ال jams بتعرّفي حدا بفوت وحدا بيطلع وإلخ، فخلص ال session اللي أنا عم بلعبو، فببّلش session ثاني في electronic، فأنا بعدي عالمسرح، وأنا أبداً كنت ما بعزف مع.. ولا بعمل distortion، فهيك بمرحلة، في عالم في جمهور وأنا فيني لقوم إنزل عن الدّرج، خلصت ال session، فقرّرت إنو أنا إبقى، قلت "فرح، اجبري شوي حالك وخليكي عالمسرح، شو فيكي تعملي يعني؟"، فخلّصت، وبلّشنا عم نلعب، وصرت عم باخد دور وأنا ما عم حسّ أتو أنا هلقد عم فوت على هيدا وعم باخذ من هون، وعم حطّ تقسيمة من هون، وعم طلع أصوات من البزق، ثانية، فخلّصنا، كانوا مصدومين كيف أنا قرّرت أعمل هيك، أنا غير هيك كلياً، فمن وقتها بلّشت أتو، "آه، فينا نعمل هيك، فيني أنا قرّر كون بمحل أنا مش المفروض كون فيه، فيني جرب"، فوقتها أنا جربت عالمسرح قدام جمهور، فكان تحدّي، وقتحلي على كثير إشياء ثانية.

**ن.ب.:** كيف ال jam sessions بمترو؟

**ف.ق.:** [01:18:29] كان عمل شي إسمو "Distortion" بيتّفق مع كذا موسيقيّ، طبعاً بكون الحضور for free و it's jamming يعني بس، وبكونو sessions يعني هلّق 3-4 موسيقيين هني مع بعضن، --

**ن.ب.:** \_\_\_\_\_ بيرجع بيّفوتو ناس من الجمهور أو شي؟

**ف.ق.:** [01:18:46] لأ، بس الموسيقيين بكونو قاعدين ضمن الجمهور، لأنو بكون في set مرگب صوت وإلخ، فبدن يكونو آلات معروفين، بس دايماً ما ببينوش ال sessions حسب ما لازم، ناس بتفوت على ناس، وبتصير، لذيدة كثير ال jamming، وفي كثير، يعني تعرّفت على كتبيير موسيقيين خلال ال jamming

ن.ب.: أوكيه، ف you have to sign-up من قبل؟

ف.ق.: [01:19:06] أيه

ن.ب.: that's good، طيب بدّي أسألك كمان إتو هلق بس يكون عندك حفلة كيف بتحضري حالك؟ نفسياً؟ موسيقياً؟ خلينا نحكي، I think حكيّا عن موسيقياً بس نفسياً كيف بتحضري حالك؟

ف.ق.: [01:19:23] أوكيه ببش التحضير من لما قول أيه عالحفلة، يعني أنا لهلق حفلة ما بحب البرنامج تبعها بقول لأ، ما باخد حفلات بس ل to have money، ممم، إذا منّي مقتنعة بالشّي الموسيقي أو حاببتّه، لهيك لكون مرتاحة أنا نفسياً وأقدر أعطي قد ما فيني أنا بالحفلة، مع كلّ العجقة اللي بتمرق بيومي، بيكون وقت البروفا هو وقت لأنو أنا أعطي الحفلة مثل ما لازم، وأغلبا بتكون مع ناس أصلاً لذيدين، فبكون الجوّ كولو لذيد، منمرق بمرحل يكون في أغاني صعبة، منمرق بضغط، منطلع حفلات أريج من حفلات، إذا حفلة حافظين repertoire تبعها جديد منطلع شوي فلقانين، في حفلات منطلع كثير مرتاحين لأنو عاملينا 6,000 مرّة، نفسياً ولا مرّة ما بتذكر إتو عاملة حفلة وأنا مضغوطة منها، يعني ما طايققتها، اممم..، في حفلات بتمرق مثل ما بدنا، عالقّد، في حفلات بتمرق أقلّ، في حفلات بتتخطّى توقعاتنا، منطلع منكسر توقعات حالنا فيها، وأنا في شغلة بيضحكوا عليّ كثير بس بضلني قلهن، أنا مثلاً بس نهاري ببش كثير منيح، بقول "الله يستر" يعني بالليل، بحس بتقلب الإشي دايماً، فيس يكون ال-sound check يمشي كثير منيح، بقأن ما بحب ال-sound-check يمشي منيح [تضحك]، لازم الحفلة هي اللي تطلع منيحة، مش ال-sound-check، ف، مثلاً هالتوتر تبع قبل الحفلة، قاتلك إتو إذا في حفلة منّي متوترة منها كثير، بخاف، بقول "لأ، لازم أتوتر" يعني هيدي الوترة مش خوف ورعب وإتو بي ما بدّي أطلع، لأ هيبي تبع إتو مسؤوليّة، يعني أنا بعتبر غير إتي طالعة إتسليّ وسلّي العالم، أنا في عندي مسؤوليّة معيّنة، تركيز معيّن لازم يكون موجود، قدرات جسديّة وذهنيّة، بدّها تكون حاضرة، فهيدا جزء من التوتّر يعني بكون، طبعاً عالمسرح غير شي.

ن.ب.: هل شي مرّة عملتي غلطة عالمسرح؟

ف.ق.: [01:21:17] أوو، ولا موسيقي، مستحيل، ولا موسيقي--

ن.ب.: \_\_\_\_\_ الجمهور لاحظ مثلاً؟

ف.ق.: [01:21:21] غلطة، ما بعرف إذا الجمهور بلا حظ أو لأ بس ولا مرّة الموسيقيّ يكون معصي عن إتو يغلط لأنو مستحيل نحن عم نلعب live music فأبدأ منو غلط إتك تغلطي، الذكاء عند الموسيقيّ هو إتو يعرف يصلح الغلط دغري، حتّى نحن منعلم الأولاد هيك، يعني "أنت أبدأ مش غلط تغلط، أنت بس بدك تعرف إتك تصلح الغلط، بأرضك، تشيل حالك، أو يشيلوك العالم"، بس نعرف ننقذ حالنا عالمسرح، ف، لأ مثلاً [تضحك] في نكتة هاي، بحفلة مع ساندي شمعون، أنا بدّي فوت بالغنيّة، فتت بالطبقة غلط، فتت طبقة تانية، فانا وعم قسم قلبت الطبقة ورجعت فتت بالطبقة التانية، ف، بتصير هاي الأمور، بس خبرة المسرح هي بتساعدك كيف تعرفي تتخلصي من الإشي أسرع، بدك تكوني ذهنك حاضر عالمسرح، تعرفي تخلصي

ن.ب.: أوكيه، شو عم تسمعي هالأيام؟

ف.ق.: [01:22:22] ممم، إذا بتطلعي عال playlist على youtube وال-soundcloud، الصبح غير من بالليل، بسمع من-- هلق عن جديد مثلاً كثير حابة track "بو ناصر الطفار"، ال-rap، الجديد، كثير كثير حلو ال-line

ن.ب.: ما بعرف

ف.ق.: [01:22:46] فيني ابعتلك ال-link إذا عندك soundcloud هلق بيعتلك باه-- الصبح مثلاً بالسبارة كنت عم بسمع "سهرت" ل "عبد الوهاب"، مبارح كنت عم بسمع شي عراقي، أوّل مبارح كنت عم بسمع شي فارسيّ، ففي تشكيله هيك

ن.ب.: أكثر شي؟

ف.ق.: [01:23:06] أغلب الإشي اللي بسمعها أيه، شرقي، بتروح من الفارسيّ لتركيا لمصر، لسوريا، للبنان، لهون

ن.ب.: ما بتسمعي غربيّ أبداً؟

ف.ق.: [01:23:18] يعني Jazz، من أحبّ إلى قلبي بالغربيّ هو الJazz، ما كثير بميل للClassic، امم... أيه

ن.ب.: شو أكثر شي إنت فخورة فيه؟

ف.ق.: [01:23:31] مش-- والله بهالمرحلة ما بعرف، ما بعرف إذا فعلاً فخورة بشي كلياً يعني

ن.ب.: بكلّ رحلتك الموسيقية خلينا نقول، مش ضروري هلق

ف.ق.: [01:23:50] يمكن إئو عم بقدر خلّي العالم ما تتعاطى معي على إئي بنت عم بعزف، يعني عم بنجح لهلق من دون ما أعمل هيدا الشّي

ن.ب.: حلو

ف.ق.: [01:24:59] [تضحك]

ن.ب.: امم، هل بتعتقدي إئو أنت كموسيقية بلبنان فيكي تبني مستقبل لحالك مأمّن؟ من ورا الموسيقى هون بلبنان؟

ف.ق.: [01:24:12] مم، هلق بلبنان، [تبتسم] ما فيكي تضميني شي، هاي أولاً، تانياً، أيه أرضية صالحة إئي إيني مشروع موسيقيّ، يعني أنا بحبّ إئي إيني مشروع هون، وبحسّ إئو في-- إذا ضلينا بخير، إذا ضل وضعنا هيك لهلق، وهو مش بخير مع إئو، بسّ بقدر إيني، يعني في الأرضية المنيحة-- في أرضية شو يعني؟ في مسارح، في مبادرات، في فنّين، في موسيقيين، ف-- منقدر نعمل هيدا الشّي بعدنا

ن.ب.: أوكيه، آخر سؤال بدّي أسألك، شو بتعنيك الموسيقى؟

ف.ق.: [01:24:51] مم

ن.ب.: سؤال كبير

ف.ق.: [01:24:57] ما رح قلّك الأجوبة تبع ملجأي-- وسيلة، يعني وسيلة ومتفرّعة، يعني ما بعرف ما بدّي إختصرها بكلمة صراحة، بس بعرف إئو أنا لما كون كثير معصبة، فأكيد بلعب موسيقي، ولما كون ما عم بلعب كثير موسيقي فصايبعي لحالن يكونو عم يعملو هيك [تحرك أصابعها على قدمها] على إجري يعني. ما بعرف إذا هي وسيلة قد ما هي صارت شي متماهي، يعني أنا ما بحسّ فيه ككائن لأن هو صار شي متماهي معي، بيومياتي، بطريقة تفكيري، بطريقة التفكير بإشيا، بقرا جملة موسيقياً، بفكر بالفكرة موسيقياً، في background الموسيقى كلّ الوقت، وطريق، وسيلة، مبالا والله وسيلة لأنو خلّنتي آمن بكتير إشي ما خصاً بالموسيقى

ن.ب.: مثل؟

ف.ق.: [01:25:53] يعني أنا مثلاً من الموسيقى أمنت بفكرة "بلاد الشام" كثير، مش سياسياً، ولا جغرافياً، موسيقياً. موسيقياً عرفت شو يعني تنوّع، وشو يعني التنوّع فيه يرتبط بمحلات معينة وفيه يختلف، ويختلف ما يعني إئو كارثة. فوسيلة شخصية ووسيلة مش بس موسيقية لأنو وسعتلي كثير مدارك مش بس موسيقية، أكثر بكتير يعني

ن.ب.: آه، إذا عندك أي نصيحة لحدنا بدو يصير موسيقيّ أو يقوي موهبته، شو بتقوليله؟

ف.ق.: [01:26:30] أول مرحلة، هي يعني الموسيقى، أو العم نحكي عن عازف: العزف بمرحلته الأولى هو عضلات، أننا نربّي عضلات معينين، إن كان بصبيغنا ولا بأوتارنا إلى آخره، فبدو يمرق بمرحلة يستغرب الآلة، ويحبّها كثير، ويكرها كثير، وعنجد بدو يمرق صراع معين، ويدور يدور هيك، حلقات مفرّعة ليطلع يرجع [مع فرقة اصبعها] يكتشف شي، أو ينتقل، يروح نقلة نوعية، فهورال phases كلن بدو يمرق فيهن تمرين كثير، بدو يمرق فيهن سمع كثير، whatever الشّي اللي هو ناوي يتخصّص فيه. مم، منيح إئو نحن أوقات نركّز على شي، بس ما نغرق فيه، يعني ننتبه أنو، نعرف بالمرحلة الصّح نطلع، ونرجع نعمل العكس ونتطلع على إشي تانية، بيرجع نفس هيدا الشّي بأكدلنا يمكن، نحنا موجودين بالمرحل الصّح، أو بيخلينا نقول "آه، لا، أنا منّي هون، أنا هونيك، أنا لازم أعمل هيك" ف-- فإئو ننتمي لشّي بس ما نغرق فيه

ن.ب.: نصيحة كثير جميلة [تضحكان] شكراً كثير فرح!

ف.ق.: [1:27:43] شكراً إليك يا نورا!